



INSAIT



Lukim toksave bilong Nupela kolom bilong Sabina's Corner long Pes 2

Haiwe i pas... Pes 3



Laipstail stori bilong papa i dai long painim skul fi bilong pikinini...

Pes 15

Pinat paia...



K1 MEKPAS: Wanpela mama bilong Bogenvil i lainim gut ol mekpas pinat bilong em. Buka maket em i ples we i gat planti kain gutpela gaden kaikai na prut bilong baim.
Poto: Veronica Hatutasi

Bogenvil kisim moa pawa

BOGENVIL i kisim moa pawa long Nesenel Gavman bai em i ken bosim sampela moa wok na lukautim em yet aninit long stia bilong Otonomes Bogenvil Gavman (ABG).

Las wik tasol, Deputi Prais Minista, Dokta Puka Temu na ABC Presiden James Tanis i bin bung wantaim long Buka i tokaut long faipela eria we Nesenel Gavman i glasim na skelim na bihainim ol toktok ol i bin wanbel wantaim aninit long Bogenvil Pis Agrimen long givim pawa i go long ABG long lukautim em yet.

Long dispela sait, em yet bai mekim ol disisen long administresen na polisi bilong karimaut ol wok long ol eria olsem:

- Hom Afes i karamapim yut na sosel afes;
- Wok bilong givim laisens bilong salim bia;
- Makim ol pablik holide;
- Makim ol bikpela spot na malolo ples; na
- Makim taim bilong ol yet.

Dispela faipela nupela pawa em i antap long ol arapela pawa we ABG i kisim pinis. Ol dispela pawa i stap pinis long han bi-

long ABG em wok maining, wel na ges we nesenel gavman i givim i go long Bogenvil.

Dokta Temu na Mista Tanis i tok dispela ol pawa we nesenel gavman i givim i go long ABG em ol i bin glasim na skelim long Join Supavaisari Bodi bung i tok oraitim ol.

Tupela i tok ol wok long go hetim ol pawa na wok long ol dispela eria bai go het nau tasol, na aninit long dispela, gavman bai kisim olgeta nesenel gavman samting na grau8n long ol dispela eria i go aninit long nem bilong ABG.

Tupela i tok tu olsem ol mani bilong karimaut ol wok long ol dispela nupela eria em nesenel gavman bai skelim bihainim ol rikaren gren insait long nesenel baset o mani plen.

"Wantaim ol narapela samting i karamapim saining bilong MOA agrimen long Takis Etmnistresen long Bogenvil, dispela 5-pela moa pawa we nesenel gavman i givim i go long ABG i soim olsem moa wok i go het bilong luksave long wok otonomi i ron i go nau long Bogenvil," Dokta Puka na Mista Tanis i tok.

Winim ol
Tiket long
go long
Soka Wol
Kap Fainol!

TUPELA
TIKET
LONG LUKIM
FAINOL GEM

1000
US DOLA
MANI LONG YUSIM

BALUS
TIKET
OL TRANSFER NA
PLUS LOWI SLIP



Teksim "Soccer" igo long 7878 long go insait long dro bilong Winim tupela Tiket long go lukim Soka Wol Kap Fainol. WANTAIM K1,000 long winim olgeta wik i go inap long Gren Prais Dro.

1 Kina long wanpela SMS, Tupela pakej long winim

Digicel

Bilapela, Stronpela moa Network bilong PNG.

Long kisim moa infomesin yingim Kastoma Kea long fri 123 long Digicel fon bilong yu. Temu na Kondision bai stap



Planti mit
na gutpela
teis tru!

Mackerel
IN NATURAL OIL

Em pis ol bubu i save
laikim bipo tru. I kam
bek nau! "Yu mas
traim na bilip"



I kam wantaim
Tomato na Oil

Biknem niuspepa raita bai kam bek long Wantok

WANPELA biknem nem raita bilong bipo susa niuspepa bilong Wantok, The Independent, nau bai kamap insait long Wantok Niuspepa stat long neks wik.

'Sabina's Corner', wanpela strongpela hap stori i bin save kamap olgeta wik long The Independent niuspepa nau bai kamap long tok pisin tu.

Dispela raita, husat i save lukluk glasim ol bikpela isiu na wok kamap long kantri, i bin pulim planti rida tru stat long ol bikmanmeri na i go daun long ol liklik manmeri.

Sabina i bin save givim strongpela tingting long en na tu, em i bin autim planti ol hait samting ol lida na bisnisanmeri i mekim we i wok daunim gutpela sindaun bilong kantri.

Stat long neks wik, Sabina bai stat rait gen insait long Wantok Niuspepa long tok Inglis, na long Tok Pisin wantaim.

Namba wan samting em bai rait long en, em PNG Likwifait Netseral Ges o LNG projek, na wanem kain samting em bai kisim kam bilong ol liklik manmeri bilong yumi.

Sapos yu bin save long ol stori bilong Sabina, bai yu amamas long luksave olsem em i stap strong yet. Sapos yu nupela man long en, bai yu ken luksave long glasim tingting bilong en, we i no wari long husat i bai belhat long en. Sapos samting i stap hait, em bai rausim.

Kisim Wantok Niuspepa neks wik, na lukim Sabina i kam bek gen.

March 8, 2001

Commentary

Finding one's way through the jungle of justice

JUSTICE, according to the layman is all about one getting his fair share of what is due under a given set of circumstances. Thus, it could be a reward for someone for some good deed or it could be a form of punishment meted out in a wrongdoer the severity of which would depend on the degrees or the extent of the act or conduct deemed a wrong.

The fundamentals of justice therefore are all about fairness seen from an objective angle as it is.

In that regard by an impar- go one step judge or act the question- tions derived underlying of which is deem arriving at the terminated sex in similar set of a favour.

Therefore, a good sense vie

COMMENT
SABINA'S CORNER



Various interests?

This is where our courts of law or justice in the case of PNG become relevant. This is where the

given a favourable court ruling where victims must not only go uncompensated but the injury gets aggravated thus the victim in a much worse position he would have been had he not go court. And the most often asked question is: What actually happens in the courtroom?

To answer that question one must consider a number of factors with a lot of assumptions the combined effect



Sabina's Corner

February 22, 2001

COMMENT
SABINA'S CORNER



IN this country the state is bankrupted, the leaders are corrupted, and the people are in a permanent state of hibernation that if they do ever wake up from this state of slumber it will be all too late to do anything because by that time the minerals are exhausted, the oil wells are all dry and empty and all that kind that ever flowed in the country will be sitting comfortably in Swiss and other foreign banks in the form of US Dollars.

The big question is: where have we gone wrong? Thus, let us try a little reflection by looking back at the last 25 years and see what happened. In the late 60's Sir Michael Somare and his Bualiy Beef Club were screaming for independence from Australia which was governing the country under a mandate from the United Nations. For a variety of reasons, many people felt that we were not ready for independence and others suggested that we ought to amalgamate with Australia to become the seventh State. And it was not until William became the PM in Australia in the early 70's that PNG started to accelerate and

The PNG trip down the no

phoned Ms Rooney and blasted her for sitting idle and allowing the judges to interfere with government decisions. Ms Rooney then wrote a letter to the then Chief Justice, questioning the judges' authority to interfere with the government's decision. This then led to the Chief Justice convening an open court and making public the letter from the Minister for Justice. There was a public outcry, prisoners were breaking out of jails throughout the country and there were a number of resignations of foreign judges and contempt proceedings were initiated against the minister which saw her found guilty of contempt and ordered to serve a term of imprisonment, but Sir Michael retaining the position of acting Minister for Justice released Ms Rooney under a licence under the PNG Criminal Code.

Sir Michael and his colleagues went to the polls in 1980 and he was successful so he returned and became the PM second time around. However, in 1982 he was effectively ousted in the first ever motion of no confidence under the constitution. There were lots of tears shed then by the Somare mob and there was jubilation by the Chan-Oluk los who ascended into power. This was the time that

government better plan far as these politicians ruled the parliament with strength and continued of government so that amounted to majority rule to the judiciary had to see the line. This attitude was more evident during the PW era in the early 90's when soon after the 1990 national elections, PW demanded that four leaders of the Pangu Party be prosecuted under the Leadership Tribunal even before they were sworn in as parliamentarians. The Public Prosecutor wrote to the then Chief Justice, the late Sir Buri Kido and requested the appointment of a Leadership Tribunal but the Chief Justice properly refused until after parliament meeting to allow the leaders to be properly sworn into public office to allow the Leadership Code to be applicable. However, PW had other ideas because he wanted them out of parliament quickly so that Pangu would be members short so that he could muster the numbers to become the PM. The end result was that the Public Prosecutor instituted legal proceedings against the Chief Justice to compel him to appoint the Leadership Tribunal which was again refused by the National Court and when PW finally won

us everywhere which amounts to nowhere so here we are always looking back to see if the World Bank is watching us. Thus, the latest scenario is that Dr Weiso the World Bank representative was told not to return to PNG soon before he was scheduled to arrive back in the country from Australia. And we are told that his only crime is in seeking to have Igara and Tarata sacked from their posts. And why are we surprised about the World Bank's involvement in our national affairs? Is this not what we asked for when we decided to go begging for their money? What sovereignty are we talking about in an era of globalisation of the nation state when what matters now is no longer political sovereignty of a state but its access to global capital and the terms and conditions of such access. Some of our leaders are still in a dream world and cannot understand why all of a sudden they are totally ineffective and worse still they want to lay their hands on the World Bank's money but cannot appreciate that there are prizes to pay for that money. Well, Sir Mekere,

Kapris tokaut long vidio

Ilya Gridneff, AAP PNG Niusman i raitim

BIKPELA stilman long Papua Niugini i tokaut olsem ol bikpela raskol lain bilong Esia i wok long sapotim o spona long ol kenidet long redi long neks ileksen long 2012.

Insait long wanpela vidio teip em AAP i bin lukim, William Kapris, i tokim ol PNG polis olsem em wanpela bikman long wanpela netwok bilong ol Esian raskol lain na sinia gavman minista na dispela ol lain i plenim na spona long em long mekim kamap ol

bikpela stil-pasin. Kapris i stap kalabus nau yet bihain long sampela ol bikpela stil pasin em i kamapim long ol benk na tu em i ronowe long kalabus. Long dispela vidio teip, Kapris i tok olsem ol bikpela lain raskol lain olsem ol traiad (triads) i pas wantaim planti ol PNG gavman institusen na ejensi na i wok long yusim ol raskol long mekim ol pasin nogut. Em i tok olsem Esian mafia (bikpela raskol lain) i wok long putim mani long helpim ol kenidet long neks ileksin long 2012.

"I gat 5 i go 10-pela man olsem mi husat nau wok long wantaim ol lain Esian," Kapris i tok. "Mi bai helpim netwok ya na redi long 2012 ileksin. "Mi bai i no inap long rausim Paim Minista wantaim gan tasol bai mipela yusim ol kenidet bilong mipela long taim bilong ileksins. "Taim ol i stap long gavman ol man olsem mi bai fri long mekim wanem samting mi laik mekim."

Long dispela vidio teip, Kapris i tokaut long wanpela 'blek benk' long Mosbi - we ol Esian netwok i save wok long givim mani, long bisnis dinau (loan) na mani long helpim na kamapim ol stil pasin long bihain. "Ol dispela Esian (raskol lain) husat i stap long hia i mas wantaim dispela 'blek-benk," "Sapos stet i no harim tok-lukaut mi mekim mi poret tru olsem gavman bai stap long kontrol bilong dispela ol Esian netwok, mi stap long hap na mi lukim ol dispela tok-poret."

Long teip tu Kapris i kolim tu sampela ol biknem PNG gavman opisa we ol i no inap kolim bikos long hevi nogut i pas wantaim lo. Em i tok dispela ol sinia opisa i bin plenim na kisim tu hap milion kina mani long ol stil em i mekim long ol benk. "Sapos ol i no bin stap bak-sait long mi mi no bin inap long mekim kain pasin mi bin mekim," em i tok. Kapris i bin wanpela bilong ol 12-pela raskol man husat i ronawe long Bomana Meksimum Sekyuriti Yunit long Januari 12. Inap olsem 9-pela bilong dispela ol raskol man em polis i holim ol gen wantaim meri husat i kamap olsem loya i mekim rot bilong ol long ronawe.

OXFORD, TOK PISIN INGLIS DIKSENERI

Katim, na pulimapim oda fom daunblo na salim i kam long Wantok Niuspepa sapos yu laik baim dispela Oxford Papua Niugini Dikseneri (Dictionary) we Wantok na Oxford i wok bung wantaim long kamapim. Dispela buk i ken helpim yu tanim Tok Pisin i go long Inglis, o Inglis i go long Tok Pisin. Hariap na kisim wanpela bilong ol dispela gutpela buk we inap strongim Tok Pisin bilong yu.

ORDER FORM

TITLE	ISBN	PRICE	QTY	SUBTOTAL
PNG Tok Pisin English Dictionary	9780195551129	K38.50		

NAME: _____
 TITLE: _____
 PRICE: _____
 QTY: _____
 SUBTOTAL: _____

Options for Payment:
 1. Direct Debit (Bank Account Details below)
 2. Multi-Order to World Publishing Company Ltd, PO Box 1162, BORNEO, 622
 3. Call 0900 960 000 (Office 62, Services 58) (Afternoon 9:00 - 5:00 PM, Weekdays)

Account Name: World Publishing Company Ltd
 Account Number: 100 000 5380
 Bank: Bank of South Pacific Ltd
 Branch: Commercial Centre
 Branch Code: 0951
 Swift Code: BOSPCCPH

FAX BACK TO : (675) 325 2579

If you are making more than one order please contact us for a quote.
 Phone: (675) 325 2560
 Fax: (675) 325 2579
 Email: worldpub@com.net.pg

Name (print): _____ Title: _____
 Address (print): _____
 City: _____ State: _____
 Zip: _____
 Email: _____
 Signature: _____

Long mun Me long las yia bikpela hevi i bin kamap taim ol man long strit i kros na brukim ol stua bilong ol Esian bihain long ol lokal PNG komyuniti i belhat tru long lukim ol Esian lain i tekova long ol wok bisnia na tu planti ol paul pasin i wok long kamap.

"Ol Sainis raskol-lain (gang) long PNG i no bikpela tumas long ronim wanpela pati olsem ruling Nesanel Alaiens tasol ol inap long givim mani long wan wan ol man, planti em ol politisen long lukautim na ronim rong bisnis bilong ol." I nogat planti tingting long ol raskol man long Meinlen Saina i mekim raskol pasin long PNG tasol ol i no bikpela ol raskol grup olsem ol i stap long Hong Kong. Tasol taim ExxonMobil ges paipain projek i kamap na planti mani i kam insait long PNG ol bikpela raskol grup bai kam long PNG," Kapris i bin tok.

Polis Midia Yunit i tokim Wantok Niuspepa, olsem opis bilong Komisina i no kisim yet brifing pepa o ripot bilong dispela intaviu, na ol i no inap mekim tok long en, bikos em i samting i stap long kot yet. Ol i tok wok painimaut long wanem kain stori Kapris i wok givim polis i wok go het yet, na sapos i gat wanpela kain vidio intaviu olsem, em i mas wanpela hait intaviu bilong polis, na i no gutpela long autim long pablik, inap olgeta wok painimaut bilong ol i pinis.



HEVI TUMAS: Masin i sindaun antap long kar na bris bruk i stap aninit.



SOLIM KAGO: Ol yangpela bilong ples Kronote i karim ol beg kaikai i go long narapela sait bilong rot. Ol poto: Bustin Anzu



Sensus em i no ileksin

Nesinol Populesin na Hausin Sensus em wanpela bikpela samting bilong olgeta kantri long wol. Sensus em i olpela tru ol gavman bilong bipo yet i holim i kam inap nau. Em bikos gavman bai kaunim olgeta manmeri stap laip yet long dispela taim Nesinol ileksen i no bikpela olsem nesinol sensus. Sampela kantri long wol i no save holim ileksen. Na tu ileksen em sampela lain tasol bai vot. Kain olsem ol aspeles manmeri winim 18 krismas na sapos yu bin stap moa long 6-pela mun long wanpela ilektoret.

Ileksen save kamap bihain long olgeta 5 pela yia na ol pipel bai makim wanpela mausman o meri bilong ol long bikpela o liklik gavman.

Long sensus, gavman bai kaunim olgeta man, meri, pikinini, maski yu asples o yu bilong narapela kantri i kam stap long PNG. Pikinini husat mama karim nau tasol o lapun husat i laik dai na kisim win yet, gavman bai kaunim olgeta. Yu stap long bik bus, haus kalabus o maski yu long-long raun, gavman bai kaunim yu yet.

Pastaim long wok kaunim bilong ol manmeri, ol wok manmeri bilong sensus bai kam long olgeta sensus yunil long kantri long luksave long ol haus, kisim nem bilong papa bilong haus na nem bilong olgeta manmeri husat i stap long dispel haus. Dispela em Listing Eksesais. Em bilong helpim wok kaunim i mas go stret long de 11 i go inap long de 17 long mun Julai.

Trening bilong ol listas husat kam long wanwan Lokol Levul Gavman (LLG) eria bai kamap long wanwan provinsal hetkwata long neks wik. Dispela lain bai go bek gen long ol wanwan LLG eria na kamapim trening bilong ol fil ofisa husat bai wok olsem ol lista i ken mekim gut wok.

Dispela ol lista tu bai toksave long olgeta pipel tu olsem em i no wok bilong stretim komon rol bilong ileksen tasol em bilong redim wok bilong sensus.

Long sensus, gavman i save kisim nem bilong wanwan manmeri, pikinini na ol lapun bai em i ken plen long mak bilong hamas manmeri i stap long wan wan ples, distrik na provins. Wok manmeri bilong sensus bai stretim dispela infomesin na givim long gavman na tu larim bilong ol kainkain grup long luksave na yusim long wok bilong ol.

Em i gutpela long yu long sapotim ol wok manmeri bilong sensus long kaunim yu na olgeta lain bilong yu long haus. Noken lus tingting olsem listin na mepin ekse-sais bilong redim kaunim bilong sensus long mun Julai i no wankain long stretim komon rol bilong ileksen.

Haiwe i pas

Bustin Anzu i raitim

OL HAILANS provins bai kisim taim sapos wanpela bris long Henganofi long lsten Hailans i no gat luksave.

Dispela bris long ples Kronote, 5 kilomita i go long Henganofi stesin, i bin bruk long las wik Fonde taim wanpela bikpela kar i karim wanpela ekskeveta (masin bilong wokim rot) i pundaun antap long bris na ino inap moa ron.

Dispela bris i bin bagarap pastaim na Woks Dipatmen i senisim wantaim wanpela baili (ain) bris tasol i luk olsem ol ino wokim dispela bris gut na em i bruk nogut tru.

Ol bisnis insait long Hailans i wari olsem sapos dispela bris i stap olsem yet, bai ol i no inap mekim wok bilong ol. I gat ol bikpela wok maining tu i kamap long Hailans tu na kain bagarap bilong bris i ken stopim wok bilong ol.

Wanpela bilong ol dispela bikpela kampani em WR Carpenters we save go pas long Ti na Kopi

na i gat 3000 wokmanmeri long Hailans na ol i stap long Kudjip long Westen Hailans Provins.

Kampani i tok sapos dispela bris i no stret yet, bai bisnis bilong ol bai pas na dispela bai lukim kampani i lusim planti mani.

Rames Vasudevan, Jeneral Menesa bilong WR Carpenters, we save menesim faivpela ti na siksipela kopi plentesin, i tok ol wok we ol masin na man i save mekim bai i no inap ron gut sapos dispela bris i pas na stap olsem.

"Sapos mipela i no salim ol samting bilong mipela na mekim mani o sapos mipela i no kisim ol marasin bilong planim ol samting, fiul, ol beg na samting, dispela bai mekim mipela i stopim wok.

"Dispela bai mekim oporesen bilong mipela i go hat tru. Faiv handret ton bilong kopi na ti we mak bilong mani namel long K2m - K2.5m i sindaun nau long Maun Hagen na Goroka i stap long i go daun long Lae long salim i go long ovasis," em i tok.

Wanpela bikpela kar i karim dispela ekskeveta na laik i go daun long Lae tasol bris i bruk na em i pas antap long dispela bris. I no gat spes long ol narapela kar i go kam na ol bikpela kar bilong karim ol kaikai i go antap long Hailans i wet arere long rot.

Taim dispela ripota i kamap long dispela ples, em i lukim ol yut long dispela ples i sasim K2 long ol manmeri na K5 long ol beg olsem kaukau, buai, potato na ol gaden kaikai. I no gat narapela rot bilong kar i ken yusim.

Provinsel Polis Komanda bilong lsten Hailans Superintenden Augustine Wampe i tok Woks Dipatmen i kisim toksave pinis na bai traim long stretim dispela bris na mekim ol kar i go i kam.

Vasudevan i tok hevi bilong Hailans Haiwe i mekim ol i lusim bikpela mani na ol i no lukim gutpela sait bilong en. Ol i no inap long sevisim ol kontrakta bilong ol long ovasis bilong wanem, ol i kisim kopi na ti long ol narapela hap kantri.

"Kampani i lusim planti mani i kam insait na kantri tu i lusim mani we inap long kam insait. Kampani i givim planti mani long takis tasol i no lukim sampela gutpela samting long gavman.

Ol gavman sevis mipela kisim ino gutpela tumas. Gavman mas luksave olsem dispela haiwe em i wanpela laipain bilong Hailans na sapos gavman i no luksave, ol pipel na kampani bai kisim bikpela bagarap stret," Vasudevan i tok.

Presiden bilong Kafetina Lokol Level Gavman, Elijah Kemeya, i tok gavman mas mekim sampela samting long stretim dispela bris na ol kar na manmeri mas i go het long ol wok bilong ol na ol i no ken pasim dispela rot.

Em i tok planti bris we ol i bin putim long bipo em ol olpela na ol mas stretim wantaim ol nupela long wanem, planti wok maining i kamap long Hailans na ol kampani bai karim ol masin bilong wok we i hevi na ol bris mas strong long holim dispela hevi.

KIKSTATIM DEI WAINAIM NESCAFÉ

Scratch and Win

WIN 3x K35,000 Cash Money..

Promotion

1,000 Nokia 2330 Mobile Phones!

50,000 NESCAFÉ 3in1 17g

NESCAFÉ

CONDITIONS APPLY

Sete laikim wanbel long polis fos

Paul Zuvani i raitim

POLIS fos i gat bikpela wok insait long komyuniti.

Krospait insait long fos bai i no inap helpim long daunim hevi i kamap long lo na oda.

Dispela i ken bagarapim wok bilong ol polismanmeri na stap bilong komyuniti.

Nupela asisten polis komisina na komanda bilong Nesenel Kapitel Distrik na Sentrel

provins Awan Sete i mekim dispela tok long taim em i kisim nupela promosen bilong en long Minista bilong Polis Sani Rambe na Polis Komisina Gari Baki long Polis Het Kwata long Konedobu long Tunde dispela wik.

Em i tok bikpela ol projek olsem Likwuifaid Neteur Ges (LNG) projek i laikim gutpela oda long fos na stap bilong wanbel insait long fos i bikpela

samting.

"Olsem wanpela sinia opisa long Polis Fos, mi askim ol wanwok bilong mi long tingim ol salens mipela i save bungim long ol wan wan de bilong wok bilong mipela."

"Mipela olsem ol polis opisa i tok promis long lo long harim tok na bihainim gavman na pipel bilong mipela."

"Mipela i mas wok wantaim long trupela spirit bilong yuniti



KISIM NAMBA: Polis Minista Rambe (namel) i putim bes bilong asisten polis komisina i go long Mista Sete long taim Polis Komisina Baki i lukluk. Poto: PAUL ZUVANI

OI ABG memba i kisim askim long wok bung long ileksen

Tom Kathoa i raitim

OL nau memba bilong Otonomes Bogenvil Gavman (ABG) husat bai go aut klostu taim bihainim ABG ileksen i kisim askim long go insait long ileksen resis olsem tim o grup na i no olsem ol wan wan man.

Spika bilong ABG Palamen, Andrew Miriki na ol narapela memba long ol laspela toktok ol i bin mekim i tok i moabeta ol i wok bung wantaim olsem tim long winim bek ol sia bilong ol long skruim ol wok ol i statim long nau gavman taim.

Spika Miriki i tok long ekspirians bilong em olsem spika, em i lukim olsem ol memba i laik skruim tru wok long kamap wantaim ol gutpela polisi o lo bai helpim ol pipel long Bogenvil.

Long sait bilong kisim sevis i go aut, Spika Miriki i tok nau Palamen i bin gat wok long sanapim faundesen we gavman i kam bihain bai sanap long em.

Ekting sif administreta, Raymond Masono i tok tenkyu long ol nau ABG memba long ol wok ol i bin mekim insait long las 5-

pela yia taim ol i stap insait long ABG.

Em i bin tok strong long ol olsem ol i ken amamas long ol wok kamap ol i bin mekim na bilip olsem ol i bin mekim sampela gutpela wok developmen long helpim ol wan wan konsituensi bilong ol.

Mista Masono i tok maski ol memba na gavman i mekim ol gutpela wok, pipel bai mekim ol tok sut long ol yet.

Dispela em bikos pipel i save laikim bai ol memba na gavman i mekim wok na kamapim ol samting olgeta taim.

na solidariti long kantri bilong mipela," Asisten Polis Komisina Sete i tok.

Em i tok kamap bilong LNG projek bai bringim planti gutpela samting na developmen i kam insait long kantri na olsem polis fos i mas stap long lukim dispela i kamap.

Olsem em i opis we i bringim lo na oda Polis Fos i no inap long kamapim gutpela wok sapos i gat bel hevi na krospait oltaim i kamap insait long fos.

Wantaim dispela Mista Sete i tok Fos i gat ol lapun opisa na olsem em i mas redi long larim ol yangpela i kisim ples.

"Mi askim ol wan wok bilong mi long ol i mas soim gutpela pasin long ol yang-

pela opisa husat bai kisim ples bilong mipela."

"Polis olsem wanpela disiplin fos i mas oltaim strongim wok bilong lo na oda."

"Em i gutpela long mipela oltaim i mas holim esprit-de-corpe (spirit bilong polis) bai i gat oda insait long fos," Sete i tok.

Em i tok tenk yu long Polis Komisina Gari Baki long givim em luksave na promotim i kam antap long asisten polis komisina.

Sete i mekim namba 9 Asisten Komisina long dispela taim long fos.

Komisina Baki i tok polis bai makim narapela asisten komisina long Bogenvil long liklik taim bihain.

Polis bai kamapim Sosel Sekyuriti Benefit Fan

Paul Zuvani i raitim

POLIS Dipatmen bai kamapim Sosel Sekyuriti Benefit Fan long helpim ol lapun polis husat bai pinis long long wok.

Dispela em long lukim ol i no lusim nating fos wantaim nogat wanpela gutpela samting.

Polis Komisina Gari Baki i mekim dispela tok long taim em i lukim promosen bilong Nesenel Kapitel Distrik na Sentrel Provins Divisinel Komanda Awan Sete i go long Asisten Polis Komisina.

Mista Baki i tok Kabinet i tok orait pinis long makim K25 milion taim em i kamapim 2011 Baset.

"Kabinet i tok orait long kamapim Sosel Sekyuriti Benefit Fan long helping ol lapun opisa husat i pinis long polis fos."

"Kabinet i makim K25 milion na dispela bai stap insait long 2011 Baset."

"Dispela i wok bilong Polis menesmen na Polis Yunion wantaim."

"Fan bai stap aninit long lukaut bilong wanpela trasti."

"Planti ol opisa husat i kamap long mak bilong 51 o 52 krismas i ting dispela i pinis bilong laip bilong ol we taim ol i lusim fos i stap tupela o tripela yia na i dai," Baki i tok.

Em i tok dispela fan bai lukim ol opisa i ken baim haus o kamapim sampela bisnis long sapotim laip bi-

long ol taim ol i pinis long wok.

Wantaim dispela Polis Minista Sani Rambe i tok long daunim taim bilong opisa i stap asisten komisina i kam daun long 6-pela o 9-pela krismas.

"Larim opisa i stap asisten komisina long 12 i go long 15 yia i longpela tumas."

"Mipela i laik givim sans long ol yangpela long kisim promosen."

"Taim mipela i daunim ol yia i kamdaun ol yangpela opisa i gat hop long kisim promosen."

"Dispela em long lukim ol yangpela opisa i save i gat lait bihain long tanel," Mista Rambe i tok.

100 yia bilong Ragbi Lig long Australia
Poto So

67 poto long yia 1907 i go long yia 2008
Lukim tu *Winfield State of Origin Shield (1980-91)*
Na muvi piksa bilong *A Century of Rugby League*

LONG HAI KOMISIN BILONG AUSTRALIA

8 Mas i go long 9 Epril 2010

FRI
OP MANDE I GO LONG FRAIDE
Long 9 kilok moning i go 4 kilok apinun

Hai Komisin bilong Australia
Godwit Rot, Waigani, NCD

Long mekim ol grup buking or sapos yu i gat askim, ring i go long:
telepon: 325 9333 (ext. 276)



GAT HOP: Polis Komisina Baki na Polis Minista Rambe. Poto: PAUL ZUVANI

A Travelling exhibition developed and presented by the **NATIONAL MUSEUM OF AUSTRALIA**

On show at **Australian High Commission**

Partner—Official exhibition of the Centenary of Rugby League



MASKI Moto Viakels Insurens Limited (MVIL), ol lain i save bosim ron bilong kar na laisens, i kirapim kempen bilong em long daunim pasin bilong ovalot o karim planti pasin tumas, ol PMV bas draiva na boskru long Mosbi i no harim tok. Dispela PMV i karim piksa i soim namba bilong 25 pasindia tasol inap long kalap na sindaun gut insait long bas, tasol nogat. Ol i go het na kisim ol pasindia inap sampela i sanap hangamap long sait bilong dua. Em pasin nogut bilong yumi PNG. I nogat tingting long harim tok na bihainim gut tok stia. Poto: Neville Choi

Japan givim K20milien long helpim PNG fores menesmen

James Kila i raitim

GAVMAN bilong kantri Japan long las wik Fraide i senisim ol pepa-wok we bai lukim Japan i helpim PNG wantaim K20 milien long wanpela bikpela wok long lukautim fores

Dispela K20 milien bai go long Fores Presevesin Progrem.

Seketeri bilong Foren Afes na Trade, Embesesa Michael Maue, i sainim Eksens pepa wantaim Embeseda bilong Japan i kam long PNG, Hajime Nishiyama long dispela grent helpim i kam long kantri bilong Japan

Seketeri Maue i tok olsem dispela Fores Presevesin Progrem em wanpela bikpela developmen projek insait long PNG na em i amamas wantaim dispela wok bung wantaim Japan long helpim ol wok long

mekim bus na fores long kantri i stap gut long givim gutpela klinpela win long helpim tu pipel long PNG na wol.

Mista Maue i tok olsem em i amamas long lukim dispela projek i kamap bikos em i bin stap moa long 8-pela yia olsem embeseda long Japan na i bin hatwok tu long kamapim ol toktok wantaim ol bikman long Japan.

Embeseda bilong Japan, Mista Nishiyama i tok olsem Japan kantri na pipel bilong Japan i amamas long givim kain helpim olsem long strong gutpela wok-bung wantaim ol kantri insait long Pasifik long lukim gutpela wok developmen i kamap.

Dispela seremoni i lukim tu Seketeri bilong Nesinol Fores Atoriti, Kanawi Pouri i stap na em i givim bikpela tok amamas igo long Japan.

Mista Maue i tok olsem insait long las 18-pela

mun tasol Japan i givim mani long helpim ol dispela projek:

" Wok stretim (rehabilitation) bilong bikpela Markham Bris long Wau-Bulolo rot long Morobe provins;

" Mani long wokim 15-pela bris long ol liklik han rot long Bogenvil;

" Mani long wokim kamap Wewak fis maket na liklik bris;

" Na wok long stretim ol bris long Hailans Haiwe.

Seketeri Maue i tok amamas na luksave tu long taim tupela Gavman bilong Japan na PNG i sainim wanpela agrimen long Disemba 11, 2009 long K246 dinau o lon long stretim gut Mosbi suris (sewerage) projek. Long dispela K2056 milien em i kam olsem dinau long JBIC na K37 milien em PNG Gavman i givim long sapatim wok.

Buka polis holim 5-pela man Australia ...Wetim kot tude

Aloysius Laukai i raitim

FAIVPELA man Australia i stap nau long Buka polis sel bihain ol i bin sasim ol olsem ol i no bihainim stretpela rot long kam insait long Bogenvil na PNG long Solomon Ailan sait rot.

Buka Polis i tokaut long nem bilong 4-pela olsem Michael Northcote i gat 46 krismas, Thomas Olsen i gat 44 krismas, Clayton McDonald i gat 33 krismas, Putu Winchester i gat 34 krimas na Michael O'Neal i gat 42 krismas.

Dispela 5-pela man i bin kam long wanpela liklik bot bilong ol ol i kolim long Perenti na i beis long Sidni (Sydney), Australia. Ol bai kamap long Buka kot haus long tude moning.

Ol ripot i kam long Buka Polis stesen Komanda Sinia Sajen Alex Gunan i soim olsem dispela 5-pela man Australia i bin go



HOLIM I STAP: Dispela em liklik sip bilong 5-pela man Australia ol polis oi holim long Inus, Wakunai na kisim i kam long Buka. Em i sanap i stap namel long Sohano Ailan na bikpela Bogenvil Ailan. Poto: Aloysius Laukai

sua long Arawa taim ol i kam long Bogenvil sait long Solomon Ailan tasol ol i no bin ripot i go long Buka long kisim kliarens na skruim wokabaut i go long Inus long Wakunai, namel long Tinputz na Sentrel Bogenvil.

Sampela lain i bin putim toksave long ol polis taim liklik sip i laik lusim Inus. Polis i bin

karim waren bilong go insait na lukluk long sip na mekim wok painimaut. Na ol i bin painim spakbrus mariwana insait long 10 kilogram bek.

Bihainim dispela, ol polis i bin kisim dispela 5-pela man na sip bilong ol i go long Buka na sasim ol long i no bihainim stretpela rot long kam insait long

wara bilong PNG na tu, long i gat spakbrus wantaim ol.

Ol i bin kamap long Buka kothaus long sotpela taim tasol ol i skruim keis bilong ol i go long kot i harim long tude. Tasol liklik sip bilong ol i pas i stap nau klostu long Sohano Ailan, namel long Buka Ailan na bik ailan Bogenvil.



WANBEL: Embeseda bilong Japan long PNG, Hajime Nishiyama (lephan) i senisim ol agrimen pepa long Fores Presevesin Agrimen wantaim Seketeri bilong Foren Afes na Tred, Michael Maue long Mosbi. Poto: James Kila

WORKING ALL OVER PNG

BULLDOG **benchmark**

BRUT - SLIP ON **NUBUCK - 6" LACE UP SUEDE LEATHER** **EXPLORER - 8" LACE UP BROWN KIP LEATHER**

BULLDOG BOOTS:

- Dual density Polyurethane rubber sole for extra comfort and increased wear
- Lightweight
- PORON inner soles for exceptional comfort
- Wide Steel Toe Caps
- Full Length Tongue
- Certified to AS/NZ 2210.3
- Oil & Heat Resistant Sole
- Padded Collars

BISHOP BROTHERS NATIONWIDE *everything for industry...*

PNG yusim yet olupela CPI infomesen bilong 1975-77

...NSO wok nau long stretim

James Kila i raitim

NESENEL Statistiks Ofis (NSO) i wok long karimaut bikpela wok painimaut (survey) insait long kantri nau yet long kisim ol infomesin long ol prais na wanem ol samting ol manmeri long PNG save yusim tumas na wanem rot ol save yusim mani bilong ol.

Dispela sevei o wok-painimaut long infomesin em ol i kolim Haushold Inkam na Ekspendisa Sevei (Household Income and Expenditure Survey). Dispela sevei bai i ken stretim gut ol nupela infomesin long Konsuma Prais Index (CPI) na ol narapela infomesin gavman na ol intanesinol ogenaisesin na tu bisnis i ken yusim.

Dispela sevei bai kisim tu ol infomesin long luksave long wanem kain mak ol manmeri long kantri i sindaun (poverty level).

Sevei o wok-painimaut ya bai givim infomesin igo long Gavman na tu ol lain dipatmen na bisnis long mekim ol plen na polisi bilong kantri.

Dispela sevei igo insait pinis long 6-mun bilong en na bai go het yet insait long narapela 8-pela mun samting.

Insait long wanpela nius konfrens



TOKAUT: Ekting Nesenele Statistisan Joe Aka wantaim Ekting Dairekta bilong Haushol Inkam na Ekspendisa Sevei, Francisca Tinabar, i tokaut long wok painimaut bilong dispela sevei NSO tim i mekim. *Poto: James Kila*

wantaim ekting Nesinole Statistisan, Joe Aka wantaim ekting dairekta bilong Haushol Inkam na Ekspendisa, Francisca Tinabar ol i tokaut olsem

long nau yet CPI em PNG i wok long yusim o bihainim yet olupela infomesin bilong 1975-1977 basket. Dispela em long-pela taim na pasin

wei ol pipel long PNG i save baim na yusim mani na kisim kaikai na ol narapela samting long haus em i senis.

Moa long en tu planti ol nupela samting i kam insait long kantri olsem TV na mobail fon na ol narapela samting na sevei NSO tim i wok long mekim bai helpim long

Ol nius lain i askim ekting Nesinole Statistisan, Mista Aka, long wanem as tru na em i kisim longpela taim tru long stretim gen ol infomesin. Na Mista Aka wantaim Misis Tinebar i tokaut olsem hevi i stap long sait bilong Gavman ino putim mani long karimaut dispela wok long stretim ol infomesin.

Ol i bin traim kamapim wanpela long ol dispela wok-painimaut o sevei long 1985 tasol ol i stopim gen na ol data o infomesin ol i kisim long dispela taim em ol ino yusim. Long las yia gavman i putim wanpela mani wantaim mani helpim tu I kam long Wol Benk na AusAID long karimaut dispela sevei

Nau yet 20-pela tim i go long mekim wok painimaut long olgeta hap long kantri long kisim ol infomesin long helpim

Bikpela askim nau igo long ol manmeri long ol ples long rurel eria long kantri na tu ol lain long ol setelmen na taun eria long helpim ol wokmanmeri o tim husat i mekim ol sevei long kisim infomesin long helpim kantri bilong yumi.

Bogenvil i mas strongim ol samting long pulim ol turis

Aloysius laikai i raitim

BOGENVIL i gat planti gutpela samting we em i mas developim gut long pulim ol turis i go insait.

Man Bogenvil husat i save kisim ol turis i go raun lukluk long Buka, Lawrence Belleh, i tok olsem taim em i tok tenkyu i go long menesmen bilong Oseanik Diskavera na PNG ejen, Melanisen Eksplora long putim Buka long tua o raun bilong sip program bilong ol

Long las wiken wanpela turis sip, Oseanik Eksplora i bin kamap sua long Buka na lukluk raun long Buka i stap.

Dispela sip i bin go raun long Buka long las yia mun Mas tu na long dispela taim gen, em i karim 30 turis i kam long Australia long lukluk raun gen long Buka.

Tupela turis tasol



BOGENVIL HENKRAF MAN: Olgeta man long Buka i save olsem dispela man, Thomas Moikenu bilong Siwai long saut Bogenvil, i soim ol "light shades" o samting bilong putim ol lait i go insait long daunim bikpela lait bilong ol, em i man bilong salim ol henkraf bilong olgeta hap bilong Bogenvil.

bilong kantri Swiselan i bin kam wantaim ol dispela turis bilong Australia.

Dispela ol turis i bin gat sans long baim ol henkraf, basket, mat, ol bunaro, stik bilong helpim long wok-about wantaim na ol narapela samting pipel yet i wokim long ples na i go salim long Kuri Viles Risot hap.

Ol pipel i bin wokim welkam seremoni long amamasim ol turis i kamap long Otonomes Rijen bilong Bogenvil we i lukim pairap bilong mambu ben na danis i bin kamap long Kuri Viles Risot.

Man i bin kisim ol turis i go long ARB, Jeremy i bin tok Bogenvil i wok long

kamap olsem wanpela ples long wol we planti ol turis i no save tumas yet long em na em i amamas long kisim ol turis sip i kam insait nau.

Em i tok bihainim wokabout bilong ol i go long Buka las yia, em i lukim sampela senis na ples i wok long senis yet i go.

Ol Bogenvil Katolik i selebretim kamap bilong nupela bisop

Aloysius laikai i raitim

HAHELA Katolik Sios peris long Buka las Fraide i bin pulap kapsait wantaim ol Katolik pipel bilong olgeta hap bilong Bogenvil i bin bung long lukim wanpela pikinini bilong ol i kisim blesing long kamap nupela bisop na man husat bai go pas long 85 pesen bilong pipel long ailan husat i bihainim Katolik bilip.

Bisop Bernard Unabali bilong Bana eria long sautwes Bogenvil em dispela nupela bisop we moa long 5,000 pipel i bin bung long stap insait long bikpela misa lotu i bin stat long 10 kilok moning na bihain, ol singsing tumbuna na danis na kaikai i bin go inap long nait taim.

Mausman bilong Pop long PNG, Asbisop Nunsio Francesco Padila i bin go pas long misa lotu na blesing seremoni wantaim helpim bilong bisop bilong Bogenvil, Bisop Henk Kronenberg, husat nupela bisop i kisim ples bilong em. Planti ol pater long Bogenvil yet i bin helpim tu long wokim dispela misa lotu.

Selebresen long Oksileri Bisop Bernard Unabali long kisim blesing bilong stat wok olsem bisop bilong Bogenvil i lukim tu pinis taim bilong Bisop Henk husat i malolo long wok bihain krismas bilong em inap long 75 yias.

Bisop Henk i bin kisim blesing long kamap bisop bilong Bogenvil long yia 1999. Em bin holim wok olsem bisop bilong Bogenvil long 10-pela yia. Tasol em i wok long Bogenvil olsem wanpela pater long 44 yias. Em i bin kam long PNG long wok olsem wanpela yangpela pater long 1965 na go stret long wok long Bogenvil. Em i bilong kantri Holan long Yurop. Em bai lusim Bogenvil long go bek long ples bilong em sampela taim logn dispela yia.



NUPELA NA OLPELA: Nupela Bogenvil Bisop Bernard Unabali na pastaim Bisop Henk Kronenberg ol I welkamim em long wanpela wok



LGL na POM City Mission amamasim Wol Wara De

James Kila i raitim



AMAMAS: Ol yangpela man long Pot Mosbi City Mission fam long Mirigeda i amamas long nupela wara hol i kapsaitim wara. Poto: James Kila

LIHIR Gol Limited i bung wantaim Pot Mosbi City Mission na Living Waters Ministri long amamasim Wol Wara De long Mirigeda.

Long disepela taim ol i bin komisanim tu wanpela nupela wara saplai projek we bai helpim tru kwaliti bilong laip bilong moa long 110 ol yangpela man bilong PNG husat i save stap long LGL New Life Skills Treening Senta.

Planti ol dispela yangpela man em ol i stap long dispela senta long senisim ol laip bilong ol olsem raskol pasin, simuk spak brus (mariwana), dring bia na ol narapela pasin nogut.

Opim bilong dispela nupela wara saplai hol long LGL New Life Skills Treening Senta long Bootless Be long Mande long dispela wik i go wantaim Wol Wara De 2010. Dispela de em Yunaited Nesins (UN) i luksave long en long kamapim aweanes long gutpela kwaliti wara long moa long 1.1 bilien pipel long wol husat i save stap na dring wara we ino gutpela tumas.

Man husat i statim City Mission long PNG, Larry George dispela wara hol ol lain wokman bilong Living Waters Ministri i drilim bai kamapim samting olsem 3,00000 lita

wara i kamaut long graun long olgeta yia. Dispela wara bai helpim tru wara saplai i go long fam na tu helpim ol yangpela man long mekim laip bilong ol i kamap gut.

Mista George i tok olsem dispela nupela wara hol bai stretim gut wari long klinpela kwaliti wara long fam na givim 50 pesen helpim long wara saplai igo long fam na senta.

Em i tok tu olsem dispela nupela wara hol bai bringim wara long helpim frut gaden na ol fres kaikai ol yangpela man i save groim long fam bilong ol long Bootless Be.

Sik Eksekutiv Ofisa bilong LGL, Phil Baker i tok olsem

kampani bilong em i ammas long givim yet sapot igo long City Mission, we nau igo insait long 3-pela yia nau.

Mista Baker i amamas tu long givim wanpela K500,000 sek mani long dispela mun igo long sariti wok long PNG. Dispela mani em ol bai yusim gut long helpim ol turangu yangpela man long putim ruf long haus ol i stap long en, givim kaikai long ol dispela yangpela man na tu helpim ol long painim wok.

"LGL wantaim City Mission i givim dispela sapot long ol yangpela man long ol i ken kisim seken sans long laip bilong ol," Mista Baker i tok.

Long nau yet LGL i stap

olsem bikpela sponsa tru long City Mission taim em i putim K1.5 milien karamapim tripela yia long developim na wokim bikpela dispela trening senta long Bootless Bay na tu wokim kamap ol nupela ples bilong slip bilong ol yangpela man na tu ples bilong waswan na ol samting long hap.

Long 2009, 80-pela yangpela man husat i greduet long LGL New Life Skills trening progrem i bin painim wok na dispela i helpim ol long kamapim gutpela laip bilong ol wan wan na tu bringim save bilong ol igo long helpim gutpela sindaun insait long komyuniti long PNG.



YUMI na HIV WANTAIM Fr Jude Ronayne Forde OFM

Kristen

NARAPELA wik bipo, mi bin tok long A, B, C, - rot bilong kontrolim na pasim HIV long kantri.

Mi bin tok long planti i les o rabisim A na B na givim sapot long C tasol. Ol i sapotim kondom long namba wan rot, na wan rot tasol, long kontrolim HIV.

Planti manmeri long kantri i skelim dispela, na i klia pinis olsem kondom-program i feil.

HIV i wok long i go antap yet; planti ol nupela lain i kisim na planti i wok long indai long sik AIDS. Kondom-program i feil, olsem na planti i wari na tokaut long dispela.

Leta "C" i stap long "Christian" tu na pipel long PNG i bin tokaut long 96% ol i Kristen.

Kristen man o meri i save bilip long Jisas Kraiss em i Pikinini bilong God na Ridima bilong ol man.

Namba tu long en, Kristen manmeri i save bihainim tok bilong Kraiss na ol Mandato bilong God long sindaun na pasin bilong ol.

Tupela samting i mas stap wantaim - bilip na bihainim ol Lo bilong God.

Man i tok: "mi Kristen" mas klia long tingting bilong em long wanem samting i gutpela na nogut; wanem samting i stret o i no stret; wanem rait rot bilong bihainim Kraiss long dispela laip. Na Kristen man na meri i mas bihainim ol dispela gutpela skul i kam long God. Yumi stap insait long Len nau - em taim bilong skelim sindaun bilong yumi.

Planti pasin nogut - rong pasin - sin pasin - pasin i brukim Lo bilong God i stap nau long PNG long sait bilong marit na pren-pasin. Na HIV AIDS i ran i go wantaim ol dispela pasin nogut. Planti i save brukim marit na pamuk nabaut long laik bilong wanwan. Dispela em i sin pasin. Sampela man i save maritim planti meri; dispela em i rong olgeta. I gat planti nau ol i save traim-marit; ol i no maritim stret na sindaun bilong ol i no gutpela tumas. Planti i save go pati na pamuk nabaut olsem ol wel dok i save mekim. Na i gat reip, seks-woka, na pasin bagarapim long ol yangpela. Ol dispela pasin em nogut - em sin pasin - em rot i save bagarapim gutpela sindaun na bel isi insait long kantri bilong yumi.

Kondom-program na tok long kondom tasol i save karamapim tok long gutpela we bilong sindaun na i save haitim tok long man na meri i mas stretim pasim bilong ol. Kondom-program i save salim dispela tok nogut i go aut: "I orait, yu ken pilai nabaut na mekim ol samting long laik bilong yu, sapos yu yusim kondom!" Kondom i mekim pasin nogut i orait!

Nau lukim, marit na lo bilong man i prenim meri i lus olgeta na planti ol i save bihainim laik bilong wanwan. Inap long dispela giaman nau!

Yu tok "Mi Kristen", i gutpela. Tasol bilip bilong yu mas karim kaikai long gutpela sindaun bilong yu wantaim. Na no ken lus tingting long mandato 6 na 9!

Liklik boi Hydinn askim planti kwesten long LJSS aweanes

HYDINN Sake em wanpela liklik boi tasol husat i gat samting olsem 3-pela krismas. Tasol em wanpela liklik mangi bilong toktok stret na askim planti kwesten long ol samting em ino save.

Long Mande nait dispela stail liklik mangi i bin go long Nesinol Museum na Art Galeri long Mosbi long lukim PNG Lo na Jastis Sekta i lonsim wanpela exhibisen bilong ol.

Hydinn i bin amamas tru long lukim planti askim planti kain kain piksa ol lain sekta ejensi bilong PNG Lo na Jastis Sekta (LJSS) i putim kamap. Taim yu i lukim planti ol piksa long wol dispela liklik mangi i askim planti tru.

Wantok Niuspepa i bin bungim Hydinn wantaim papa bilong em Andy Sake taim liklik Hydinn i wok long askim planti kwesten tru taim em i lukim piksa bilong ol kalabusman.

"Dedi, bilong wanem tru na ol dispela lain i go kalabus," Hydinn i askim.

Papa bilong em Andy i poin i go long piksa na tokim liklik Hydinn olsem ol dispela lain igo kalabus bikos ol i mekim rong o brukim lo.

Hydinn i putim yau na stap isi tru taim papa bilong em i toktok long em. Papa bilong em i tokim em tu olsem em mas noken bikhet na em i mas harim toktok gut na bihainim lo.

"Dedi, sapos mi harim tok na mi no bikhet mi no inap go long kalabus olsem ol dispela lain i putim ret na blu-pela siot na stap long kalabus," Hydinn i tok.

Dispela eksibisen bilong LJSS i op long Mande na bai ron inap tumora Fraide.

Seketeri bilong Jastis na Atononi Jeneral, Dokta Lawrence Kalinoe i bin opim



Liklik boi Hydinn Sake i glasim gut ol piksa na redi long askim kwesten long papa bilong em Andy. Poto: James Kila

dispela eksibisen.

Dairekta bilong LJSS, Joe Kanekane i tokaut olsem dispela eksibisenem aweanes kempein long givim save long ol yangpela, yut na ol pikinini long PNG.

Mista Kanekane i tokaut

olsem bikpela as tingting bilong dispela eksibisen em long skulim ol givim gutpela tingting long ol yangpela pikinini na ol skul sumatin long wanem ol kain kain wok ol wan wan sekta ejensi insait long Lo na Jastis long PNG i save mekim



God Laikim Stretpela Pasin

YUPELA ol hetman bilong kantri, yupela i mas laikim stretpela pasin.

Taim yupela i tingting long God na wok long painim em, tingting na pasin bilong yupela i mas stret olgeta.

Ol manmeri i wok long traim God, ol i no inap painim em. Tasol God yet bai soim em long ol manmeri i bilip tru long em.

Pasin bilong trik na giaman i save pulim ol manmeri i go longwe long God.

Na ol manmeri i tingting kranki na i laik traim strong bilong God bai God i semim ol tru.

Stretpela tingting i no inap stap wantaim ol manmeri i save poromanim pasin nogut.

Ol manmeri i bihainim stretpela tingting ol bai givim baksait long pasin giaman. Na ol bai ronawe long ol manmeri i autim longlong tingting, na taim ol i lukim ol manmeri i rongim ol arapela manmeri, ol bai kirap nogut.

Stretpela tingting em i spirit bilong God, em i laikim tumas ol manmeri tasol em i no inap lusim rong bilong ol manmeri i tok bilas long God.

Long wanem God i save pinis long ol, laik na tingting bilong ol dispela manmeri na em inap long harim olgeta tok ol i autim.

Spirit bilong God i pulapim olgeta hap bilong graun na em yet i mekim olgeta samting i pas gut wantaim. Na em i save pinis long olgeta tok bilong ol manmeri.

Olsem na ol manmeri i autim tok nogut ol i no inap stap hait. Nogat. God bai kotim ol na bekim rong bilong ol. God bai glasim gut na skelim gut tingting bilong ol manmeri nogut.

Bikpela bai painimaut olgeta tok ol i mekim, na em bai kotim ol na bai ol i lus.

God i no laik bai ol manmeri i go longwe long em olsem na em i save putim iau long olgeta toktok bilong ol, maski ol i tok hait em i harim olgeta tok bilong ol.

Orait yupela lukaut nogut yupela i mekim planti tok kros long God, dispela pasin i no inap helpim yupela liklik, yupela i noken sutim tok long God. Long wanem olgeta liklik tok hait ol tu bai bringim hevi long yupela.

Sapos yupela i wok long giaman, dispela pasin bai bagarapim yupela yet, mi wokboi nating bilong krais na Wantok Niuspepa, poroman bilong yu.

Mining bilong pam

Fr. Mirek Puchacz, MSF
i raitim

JISAS i statim gen wokabaut bilong en, na i bihainim rot i go antap long Jerusalem (Lk 19, 28). Jisas i go insait long Jerusalem olsem king.

Santu Luk i soim Jisas Krais i wokabaut i go antap long Jerusalem. Taim em i bin telimautim gutnius long Kingdom bilong God na taim em i bin mekim planti mirakel, Jisas i bin stap namel long rot i go long Jerusalem.

Long dispela taun em bai karim pen, indai na kirap long matmat.

Gutnius Santu Luk i bin raitim mipela i ken brukim long tripela hap. Olgeta dispela hap i stori long Jisas i wokabaut i go long Jerusalem.

Long kirap bilong wan wan dispela hap santu Luk i bin raitim olsem: "Jisas i bihainim rot i go long Jerusalem", long dispela we Evanjelis Luk i soim mipela, Jisas i laik inapim laik bilong God, Jisas i lukim pinis long laip bilong em. Sampela taim em i bin tokaut long indai bilong em. Tripela taim em i bin tokim ol aposel bilong em long pen, indai na kirap bilong em.

Sampela taim em i bin yusim tok piksa. Em i bin toktok long Jona i stap tripela de na tripela de insait long bel bilong bikpela pis, na Jisas tu bai stap tripela de na tripela de insait long graun. Long dispela we Jisas i redim em yet na ol disaipel bilong em long Holi Wik long Jerusalem. Jisas i bin redim gut dispela taim bilong go insait long Jerusalem. Em i bin go insait long dispela Holi Taun long donki olsem bipo king Solomon, taim em i kisim siaking long



PAM SANDE PROSESIO: Ples Bethphageh i stap long Is bilong Maunten Olive em ples we ol lain i prosesio na abrusim long Pam Sande i go olsem long Getsemani na i pinis long Jerusalem. *Poto: Holyland Buk.*

Jerusalem.

Pam Sande, mipela bai selebretim long dispela Sande, i opim taim bilong Holi Wik. Olsem wanem bai mipela i stap long dispela taim i holi? Em i hangamap long ol wok mipela i bin mekim long taim bilong Len. Mipela i bin pre moa, a? Mipela i bin mekim sampela sakrifais, a? Mipela i bin tambu long sampela samting? Mipela i bin mekim wok marimari, a? Nau, long Tok bilong God, na long ol mak bilong liteji, mipela i laik bungim Ridima na Sevia bilong mipela. Mipelai redi long dispela, a?

Mining bilong han bilong diwai pam

Taim Jisas i bin go insait long Jerusalem, ol manmeri i bin bungim em long rot na welkamim em, na ol i holim ol han bilong diwai pam long han bilong ol. Ol evanjelis i bin raitim, ol manmeri i bin yusim ol han bilong diwai, ol han i grinpela, na

ol i katim ol long gaden o bus, na ol manmeri i bin yusim ol han bilong diwai pam. Bilong tingim bek dispela taim, long taim bilong prosesio na taim bilong misa bilong Pam Sande, mipela i holim ol han bilong diwai pam. Wanem mining bilong ol?

Long taim bilong bipo, long sampela lotu, ol manmeri i bin tritim diwai pam olsem diwai i holi. Dispela tingting i bin stap long kantri Israel. Mipela i ken lukim em, taim ol Juda manmeri i bin wokim tempel long Jerusalem. Ol diwai bilong pam i bin bilasim ol wol na dua bilong ples i holi insait long tempel bilong King Solomon. Long dispela we, ol manmeri i laik rimainim o tingim ol diwai bilong laip i bin stap long gaden Iden. Long antap bilong tupela pos bipo long dua bilong ples i holi ol wokman i wokim bilas i samting olsem ol pam na sen. Em i bin makim boda. I nogat wanpela haiden man o sinman inap long abrusim dispela boda.

Diwai bilong pam mipela i ken konektim wantaim bikpela bilas bilong God. Pam i makim olgeta samting i bikpela na i gutpela, olgeta samting i stretpela na i naispela. Em i makim laip i no save pinis. Long ol ats bilong ol Kristen manmeri diwai bilong pam i stap namel long tupela diwai bilong wain i makim Diwai Kros bilong Jisas Krais. Long ol matmat bilong namba wan Kristen manmeri diwai bilong pam i makim victory o win long dispela laip.

Pam long han bilong mi

Wanem samting i min dispela han bilong pam long han bilong mi? Em i mak bilong amamas na laip. Em i mak bilong adorati, em i mak bilong givim bikpela ona i go long Jisas, husat i bin kisim bek mipela. Tasol dispela pam i makim narapela samting tu, em i makim olsem: mi laik go het long spiritual laip bilong mi. Maski long ol samting nogut i save kamap. Mi noken givap. Mi mas sanap strong.

Mi save pinis, planti samting sin bilong mi i bin bagarapim long marit bilong mi, long famili bilong mi na long wok bilong mi, na long wok bilong mi.

Mi laik winim na daunim ol pasin nogut bilong mi. Mi laik bihainim rot i go long trupela laip wantaim Jisas Krais i King na Bikpela bilong mi. Jisas i go insait long Jerusalem olsem wina i winim pasin nogut, satan na indai.

Taim mi holim pam long han bilong mi, mi laik tokaut olsem: mi laik go wantaim Jisas Krais, na long pre na tingim bek pen na indai bilong em long dispela Holi Wik, mi laik kisim grasia bilong Ridima bilong mi na mi laik kirap wantaim em.

Santu Josep em piksa bilong ol man na papa

Fr. Mirek Puchacz, MSF i raitim

GOD i singautim olgeta manmeri bai ol i kamap holi. Em i no singaut bilong ol pater na relijes tasol. Nogat.

Olgeta memba bilong Sios i mas kamap holi.

Olgeta manmeri i gat dispela vokesen. Mipela i laik askim mipela olsem, mipela i bihainim dispela singaut o nogat? Mipela i gro long gutpela pasin? Mipela i save kamap olsem Krais? Mipela i bihainim eksampel bilong Santu Josep?

Long Bikpela Pestode bilong em long Mas 19, mipela i laik tingting long laip na eksampel bilong Santu Josep, petron na model o gutpela piksa bilong ol man na papa.

Mipela i laik lukim dispela man i gat gutpela tingting, na i save lukaut gut long wok bilong em, olsem God i makim em bilong lukautim famili bilong em.

Buk Baibel na Papa Santu Jon Pol II (long pas "Wasman bilong Ridima") i kolim Josep stretpela man. Em i min wanem samting? Em i min Josep i bin bihainim ol pasin holi, klin pasin, pasin bilong laikim. Santu Josep em i namba wan santu bihain long Maria, Mama bilong God. Sampela Dokta bilong Sios i save tok olsem, God i bin givim grasia long Josep long mak i winim ol narapela santu. Santu Tomas bilong Akwainas i skulim mipela olsem, God i save givim grasia bilong em long mipela long mak bilong wok na

vokesen bilong mipela. Sapos yu stap olsem man na papa bai yu kisim grasia bilong helpim yu long kamap man na papa i holi. Sapos sampela man i kisim ordo na i kamap pris, em bai kisim grasia bilong helpim em long kamap pris i holi. Mipela i ken tingting hamas grasia Josep i kisim bilong kamap was papa bilong Son bilong God na man bilong Maria Imakulata. Santu Josep em i namba wan santu namel long ol santu bikos em i bin stap klostu tru long Jisas na Mama Maria.

Josef em i man bilong harim tok. Long laip bilong em, Josep i bin bihainim tru laik bilong God. Taim ensel i tokim em long kisim Maria olsem meri bilong em, taim em i luksave long laik bilong God, em i harim tok. Taim ensel i tokim Josep long king Herod i laik kilim pikinini Jisas, wantu Josep kirap, kisim Jisas wantaim Mama bilong em na ranawe long lisp. Em i was gut long Santu Maria, na Jisas. Josep i wok long lukautim tupela na i laikim tupela tru. Josep i lusim laik bilong em yet bilong bihainim laik bilong God tasol. Ol man na papa i ken askim ol yet, Mipela i harim tok bilong God na bihainim laik bilong em? Mipela i bihainim Tenpela Mandato? Mipela i bihainim skul bilong Jisas na Sios long marit na famili laip? Mipela i laik go long Josep na lainim long kamap pikinini bilong harim tok bilong Sios.

Josep em i man bilong pasim maus. Ol evanjelis i no raitim wanpela tok bilong

Josep. Em i man bilong sailens, man bilong strong, man bilong laip bilong spirit. Pasin bilong pasim maus long laip bilong mipela i save helpim mipela long impruvim pasin bilong pre. Josep i bin beten planti na i harim tok bilong God. Ol samting bilong graun i no distebim em - em i bin stap olgeta taim olsem man bilong laip bilong insait. Bilong wanem? Bikos em i stap klostu tru long God husat i kamap man. Josep em i no komplein, na em i no kros long God taim God i askim em long mekim ol samting long laip bilong em. Em i akseptim olgeta samting long sailens o e mi stap isi tasol. Mipela i ken askim mipela yet. Mipela i gat taim bilong sailens long laip bilong mipela? Mipela i spendim inap taim long pre wantaim Jisas? Mipela i putim iau long tok bilong Jisas taim em i toktok long mipela long Sande? Mipela i stap wantaim Jisas long taim bilong adoratio na harim tok bilong em? O mipela i westim toktok bilong mipela long toktok nating, tok giaman, tok baksait, tok bilong bagarapim narapela? O mipela i bihainim Santu Josep long ol stretpela pasin bilong em na pasin bilong pasin maus na stap isi?

Josep em i gutpela eksapel. Mipela i ken tingim, Josep em i wanem kain man? God Papa i makim em long ol man bilong dispela graun long lukautim pikinini bilong em Jisas Krais. God i makim namba wan man long mekim dispela wok, em i makim Josep long kamap eksampel long pikinini bilong em.

Plantia yia Josep i bin skulim Jisas long ol samting bilong bilip, pre, lotu, lo bilong God, na em i wok wantaim em. Josep i skulim em long olgeta samting bilong kalsa na ol samting bilong laip bilong ol bikpela man. Jisas i bin harim tok bilong Josep, bikos tok bilong em i stret na i tru.

Josep em i no slek long wok bilong em, em i mekim tru inap long indai bilong em. Ol man na papa i ken tingting long laip bilong ol. Wanem eksampel mipela i save givim? Wanem eksampel mipela i save givim long meri na pikinini bilong mipela? Mipela i skulim ol long Katolik bilip na Tok bilong God? Mipela i skulim ol long lo bilong God? Mipela i salim ol long skul bilong kisim ol sakramen? Mipela i stadi bilip bilong mipela long ritim Buk Baibel? Mipela i tekpat long ritrit long peris? Mipela i go pas long pre na spirituel laip long famili bilong mipela?

Nau Josep i stap long heven na i save harim ol singaut bilong mipela. Em i was santu bilong ol man, papa na wokman. Santu Josep em i was santu bilong Sios. Pre bilong Santu Josep i ken helpim Sios bilong God nau, bai Sios i ken lukautim gut dispela wok bilong oraitim olgeta manmeri, em Jisas i bin givim em bilong mekim.

God i ken sambai long ol man na papa, bai ol i ken mekim gutpela wok bilong God, olsem Santu Josep oltaim i bin mekim na i kamap holi.

Ol meri redi long ABG ileksen

Veronica Hatutasi raitim

WANTAIM Otonomes Bogenvil Gavman (ABG) ileksen i stat long tumora taim ol i givim aut ol rit pepa, ol meri long Bogenvil i gat gutpela save long we bilong ileksen na tu, long go insait long ileksen.

Dispela i bihainim wanpela wik jenda na ileksen woksop we moa long 50 meri lida long olgeta hap bilong Bogenvil i bin sindaun long em long Buka long Mande Mas 8 inap long de namba 12.

Han bilong Yunaitet Nesens i save sapatim wok bilong ol meri na pikinini long Pasifik na i beis long kantri Fiji, em UNIFEM, i bin sponsaim dispela woksop. Tupela meri opisa bilong UNIFEM Pot Mosbi opis, wanpela meri long Ilektorel Komisina long Mosbi

na narapela wanwok bilong em i beis long Simbu provins i bin wok bung wantaim ol Bogenvil Meri Federesen (BWF) na UNICEF opisa long Buka yet na ranim dispela wanpela wik woksop long Kuri Viles Risot konprens rum.

Bikpela as tingting long holim dispela woksop em long mekim ol politikel pati i luksave olsem ol man na meri wantaim i mas stap insait long ileksen.

Bogenvil Ilekse Komisina, Reitama Taravarui, bin gat sans long toktok insait long dispela woksop.

Em i tok moa meri i mas go insait long wok bilong ileksen long Bogenvil.

Em i bilip strong olsem moa meri i ken kamap olsem ol gutpela etministreta long taim bilong ol wok redi long ileksen na tu,

long taim stret bilong ileksen.

Em i tok long ol ileksen wok i kamap pinis long Bogenvil pas-taim, em i putim ol meri long wok na ol i soim olsem ol i mekim gut wok bilong ol.

Dispela woksop i lukim ol nius ripota long Bogenvil yet na ol lain i makim ol politikel pati long Bogenvil wantaim ol meri lida long olgeta hap bilong Bogenvil i sindaun long en. Ol niuslain i sindaun long woksop long mekim ol i luksave olsem taim ol i mekim ripot bilong ol, ol i mas wokim balens o gutpela ripot long ol samtingi karamapim man na meri (jenda) wantaim.

Wantok i save olsem sampela ol meri i sindaun long dispela woksop bai sanap long ABG ileksen long Kaunsel ov Eldas (COE) na ol konstituensi level.



REDI: Ol meri Bogenvili bin sindaun long wanpela wik Jenda Ilekse woksop wantaim ol UNIFEM na Ilektorel Komisina opisa. *Poto: Aloysius Laukai*

Kos bilong ol sios wok merilong Sidni ...Aplai nau

OL MERI i laik wok insait long sios ministri long PNG i gat isans long sindaun long tupela wik woksop bai kamap long Sidni (Sydney), Australia.

Dispela kos em ol i redim long ol sios wokmeri insait long Pasifik yet na olsem, ol askim ol meri insait long Pasifik long givim aplikesen bilong ol.

Kos bai kamap long Alan Walker Kolis long Sidni na em bai ron long Me 17 na pinis long de namba 28.

Long balus tiket, i gat tripela manimak long tripela rot long ron bilong tripela balus kampani we wan wan man i ken kalap long en long laik bilong em yet.

Sapos yu kisim Air Niugini balus Paradais Fea bihainim Mosbi, Sidni na Mosbi, bai yu peim K1,842.10 bilong i go na kam.

Sapos yu laik kalap long Airlines PNG balus i ron olsem long Mosbi, Brisben Mosbi, bai yu peim K838.00 long go na kam.

Sapos yu laik kalap long Virgin Blue balus long go na kam, yu bai peim K1,285.00.

Antap long balus tiket, yu mas baim K1,400 kos fi. Dispela i karamapim ples balus trensfe fi, ples bilong slip na kaikai na ol tisa bai go pas long kos wantaim olgeta narapela samting kos bai laikim long em.

Antap long ol dispela, long bon de rejistresen setifiket fi, yu bai baim K15.00, Paspot aplikesen fi em K100.00 na Visa fi em K270.00. Manimak long dispela em K385.00

Ol topik we dispela kos i ofaim em long: Gifting for Ministry, Biblical Foundation for Bible Methods, Pastoral Care-

giving, Prayer Ministry na Working in Inner City Mission work. Ol lain i sindaun long kos bai kisim wanpela setifiket bihain long kos.

Sapos husat meri i no redi gut long dispela kos, noken wari bikos wankain kos bai kamap gen long Novemba 28 inap long Disemba 10.

Sapos yu laik save moa long dispela kos na we yu bihainim long aplai, ringim mani kodine-tim dispela samting na em, Sibona Biro long ol dispela namba: 3240543 o Dijisel namba; 71325077 Or 73332768. Yu ken salim email i go long dispela etres: sibonab@ncdc.gov.pg

Mista Mairi i bilip olsem ol meri sios woka bai kisim gutpela tingting na ol i putim aplikesen long dispela gutpela kos.

Raun lukim ol Meri na Pikinini



UNIFEM GO PAS: Catherine Natera i bilong UNIFEM Mosbi opis husat i bin wanpela long ol meri lida i go pas long jenda ileksen woksop long Buka las wik.



JENDA ILEKSEN WOKSOP: Sampela long ol meri lida long olgeta hap bilong Bogenvil na sampela ol niusman i bin sindaun long wanpela wik Jenda ileksen woksop insait long Kuri Viles Risot konprens rum long Buka.



RILEKS GUT TRU! Noken ting dispela em husat, tasol ABG Palamen Deputi Spika na wanpela long tripela meri i makim ol meri long ABG, Francesca Semoso i rileks gut tru long na raun long Buka taun taim Meri Wantok i bungim em. *Ol Poto: Veronica Hatutasi*



AILAN STAP LONG HEVI, TASOL SKUL GO HET YET: Ol meri bilong Carterets Ailan i sindaun long wanpela woksop bilong kisim save long strongim sindaun na ol rait bilong ol insait long famili, komyuniti na kantri.



Tok nogat long kalap long PMV i pulap pinis

Leigh Boin i raitim

DISPELA nupela MVIL PMV Draiva kompetisen em ol i kamapim long strongim pasin em olgeta draiva long rot long PNG i mas lainim gut na holim strong.

Tasol maski yu wanpela pasindia long wanpela PMV pawa i stap long yu tu long tokim draiva long noken spitim PMV na draiv nogut na birua ino ken kamap.

Olsem pasindia long wanpela PMV yu bin askim yu yet tu olsem ating yum as pusim na sakim yu yet long kalap na kisim spes long PMV o nogat? O ating yu stap tasol olsem wanpela pasindia taim yu luksave olsem draiva ya id ring bia na i bin. Long dispela kain ol samting ansa em isi.

Sapos yu no pilim gutpela long wanem samting yu lukim pastaim long yu kalap long PNG o taim PMV ron yet. Ting gut nau olsem yu gat rait long tok nogat.

Em i olsem, yu mas tok notat long kalap long PMV taim yu pilim olsem yu o femili bilong yu ino seif. Yu ken kalap igo daun sapos yu lukim olsem asua i stap taim yu stap yet antap long PMV.

Bikpela as tru long yu no inap long PMV em olsem planti ol lain i stap pinis antap long PMV na ol i weit i stap. Wantaim nau planti ol PMV i rejista wantaim Draiva Kompetisen, em i isi tru long luksave long wanem ol kar i pulap pinis. Tenkyu tru olsem i gat ol posta i stap long soim hamas pasindia tasol i ken kalap.

Maski nogat stika i stap, sapos yu lukim ples kliia olsem planti pipel i laik kalap taim PMV i pulap pinis, yu askim yu yet em gutpela pasin o nogat?. Ol PMV we i pulap pinis, pasin bilong spitim kar, dring na draiv na bikhet pasin long draiv i kamapim planti birua na indai pinis em ripot bilong MVIL i soim pinis. Na ol PMV we i karim ol planti pasindia tru taim kar i pulap i ken kamapim ol birua, na dispela em 10-pela taim moa long ol narapela kar i ron long rot.

Dispela namba long ol ripot i soim olsem birua i ken kamap taim yu ron long PMV. Taim yu no sindaun gut long PMV o yu sanap tasol taim PMV iron long rot, yu ken pundaun strong tru na bingim painim bikpela bagarap long skin bilong yu. Yu mas tingting tu na wetim PMV ino pulap na i gat spes em yu ken sindaun gut long en taim PMV iron.

Moa wok-painimaut em wanpela indipenden risets kampani i soim olsem planti olsem 96% ol pasindia i save wari tru long sefti long rot taim ol i kalap long PMV. Olsem na bilong wanem tru na planti PMV i save pulap tru na ron long ol rot long PNG?

Sapos mipela i wari long sefti olsem pasindia. Mipela mas stat long tok-tok na mekim samting nau long stretim wari bilong mipela!

Yu gat olgeta rait long tok nogat, sapos yu pilim olsem yu no seif taim yu kalap long wanpela PMV. Sapos yu pilim olsem sefti bilong yu wantaim femili bilong yu i stap long birua taim PMV i rot yet, yu gat olgeta rait long singaut igo long draiva long stopim PMV na yu do daun.



RABAU-PNG I BUNGIM STRONGPELA GURIA

I NO bin gat pipel i dai o ol samting i bagarap long wanpela guria ol i tok i bin kamap long nambis long Papua Niugini.

Ofis bilong toksave long ol guria i bin tok dispela guria em strong bilong en inap long 6.6 i bin kamap long biknait aste.

Kamap bilong en em 93 kilomita long hap olsem not bilong Rabaul, Is Nu Briten Provins.

Na i no bin gat ripot bilong sunami na ofis blong toksave long ol guria long Amerika i bin tok as bilong en i bin 415 kilomita aninit long graun olsem na i bin daunim strong bilong en long kamapim bagarap long ol samting.

FIJI WALLIS NA FUTUNA I STAT LONG KANDEM KOS

FIJI na Wallis na Futuna i stat long kandedem kos bilong saiklon Tomas i kamapim, we i bin mekim pipel long ol komyuniti bilong tupela kantri i kisim nogut las wik.

Pasifik Niusman Campbell Cooney i bin ripot, ol wok painim long saiklon Tomas i bin painim olsem tripela pipel i bin dai long na kos bilong ol bagarap ol i tok i bin nap moa long hap million Amerika dola.

Ekting Dairekta bilong Fiji Disasta Menesmen Kaunsel Pajiliai Dombui i bin tok ol halivim nau i wok kamap long ol ples long wei, na long ol sampela eria sidaun bilong ol pipel i stat long kamap orait gen.

Wallis na Futuna em teritori bilong Frans, i bin bungim bagarap long saiklon Tomas long ailan bilong Futuna i bin lusim ol haus bilong ol, ol kaikai long gaden na ol enimal long fam.

Frens militari bai bringim ol helpim i kam long Numea, na ol i ting nevi sip bai go kamap sampela taim dispela wik.

AUSTRALIA MAINING KAMPANI I GAT PLEN LONG SOLOMON AILANS

AUSTRALIA maining kampani Allied Gold i bin tokim ol papagraun long Gold Ridge main long Solomon Ailans olsem em bai mekim olgeta samting em i ken long stretim gen ol pasin belisi bihain long ol pait na trabel em i bin bagarapim kantri tenpela yia i go pinis.

Jemima Garrett i ripot ol papagraun na ol bikman bilong gavman i bin kamap long namba wan rekonsiliesen seremoni ol i bin holim stat long taim dispela main i pas.

Allied Gold i bin kisim bek Gold Ridges long mun Oktoba las yia.

Eksekutiv Siaman Mark Caruso i bin tok em i no nap tok sori long ol pasin bilong olupela lain i bin lukautim dispela main bipo, tasol em inap promis long onarim ol tok orait em i bin kamapim pinis i stap.

Ol i bin holim dispela rekonsiliesen seremoni olsem bilong opim rot bilong selebresen i bin kamap tude, em Praim Minista bilong Solomon Ailans Dokta Derek Sikua i bin stap long en tu.

FAIVPELA PIPEL BILONG AUSTRALIA LONG PNG I BUNGIM SAS

FAIVPELA pipel bilong Australia em ol i bungim ol sas bilong drags long Papua Niugini bai bungim yet arapela ol sas long ol rong wantaim kastoms.

Niusman long PNG, Liam Fox i bin ripot, ol dispela faivpela pipel i bin bungim ol sas long i bin gat ol drag nogut, bihain long polis long Bogenvil ol i tok i bin painim 470 grams mariwana o spak brus long sel bot bilong ol.

Ol i bin aut long beil bihain long ol i bin kamap long kot long Buka na bai kamap gen tude.

PNG Kastom Sevis tu i wok long lukluk long kamap bilong ol dispela man long solwara bilong PNG i kam olsem long Solomon Ailans.

Mausman bilong Kastoms i bin tok ol nap sasim ol tu long ol i no bin kisim tok kliia bilong Kastoms, na foapela arapela trabel i go wantaim Mariwana.

Dipatmen bilong Foren Afes bilong Australia i bin tok wanpela long ol man i kam long Kwinslen (Queensland), na ol arapela i bilong Nu Saut Wels.

FIJI HELT ATOROTI BAI PAINIM SAPOS I GAT SIK TAIFOIT

OL HELT atoroti long Fiji i bin tok ol i wok long kamapim ol wok painim long lukim sapos i gat nupela keis bilong sik taifoit long not bilong kantri.

Helt Ministri bilong Fiji i bin tok ol i painim olsem etpela pipel long hap bilong Labasa i mas i gat bikpela wari long sik dairia.

Ol nau i karim aut ol wok painim long sik taifoit na ol arapela sik.

Illiesia Tora bilong helt ministri i bin tok i gat moa long wan handret o keis bilong sik taifoit na wari bilong dispela sik i kamap gen bihainim saiklon Tomas, i luk olsem bai kamap tru stret.

Em i tok risal bilong 8-pela pipel em ol i testim ol bai ol i nonap save inap tumora.

INAP RUM LONG KRISMAS AILAN

GAVMAN bilong Australia i bin tok bai gat inap rum long Krismas Ailan long lukautim kamap bilong nupela lain pipel em ol i laik kam stap long Australia.

Tupela bot ol i bin painim ol insait long hap solwara bilong Australia dispela wik i karim etpela ten (80) pipel.

Gavman bilong Australia i bin tok sampela long ol dispela pipel long Krismas Ailan ol i bin givim ol visa dispela wik na narapela grup ol bai salim ol i kam long bikples Australia long arapela samting.

Mausman bilong Oposisen long Imigresen, Scott Morrison, i bin tok gavman i wok long mauswara nating long ol wok bilong en na i no traim long stopim ol bot pipel i kam long Australia.

OL AUSTRALIA BISNIS LIDA AMAMAS LONG MITING

OL I HOLIM WANTAIM LAIN BILONG PNG

OL LIDA bilong bisnis long Not Kwinslen i tok ol i amamas long kaikai bilong wanpela tripela de miting wantaim wanpela tred delegesen bilong Papua Niugini.

Kwinslen Tresera, Andrew Fraser i bin go pas long delegesen bilong klostu 40 pipel i makim ol bisnis i go long PNG long wik i go pinis.

Planti long ol i bin kam long Kens (Cairns) na fa not Kwinslen.

Ol i bilip long go insait long Risos Sekta bilong Papua Niugini.

Advance Cairns Sif Eksekutiv Opisa, Ross Conarino, husat i bin kam bek bihainim ol toktok, i tok fa not i bin pasim tok orait pinis long sampela bisnis long dispela wokabaut, tasol i tok kliia olsem Kens i fesim sampela strongpela resis.



Noken opim dua tumas



RAUSIM pawa bilong Ombudsmen Komisin long sekim wokabaut bilong ol lida go kam long ovasis i ken bagarapim sindaun bilong Papua Niugini long bihain taim.

Bipo ol memba na ol bikman o bosman bilong ol bikpela gavman dipatmen laik go long ovasis, Ombudsmen save sekim gut na save gut long wanem as tru na wanem kain wok ol laik go na mekim long ovasis. Na sapos dispela wokabaut bai bringim o kamapim gutpela helpim kam bek long kantri bilong yumi.

Nau Palamen i laik rausim dispela pawa bilong Ombudsmen Komisin olsem na yumi mas skelim gut sapos dispela em gutpela o nogat.

Wanpela bikpela hevi mi skelim em olsem, sapos dispela pawa bilong Ombudsmen Komisin i raus, tru tumas dispela i opim dua stret bilong ol lida go kam long ovasis long laik.

Ol bai kolim nating nem bilong wok bisnis ol i laik go long en tasol planti hait bisnis tu bai stap insait.

Yumi lukim planti kain kain Saina Kongkong kam insait pinis long Papua Niugini na stap olgeta na ranim ol kain kain liklik bisnis we PNG yet yumi inap long ranim.

Nau kain kain projek kamap long olgeta bus graun na wara bilong yumi pinis. Ol ovasis lain pundaun pinis insait long ol bikbus bilong yumi na mekim kain kain wok bisnis bilong ol. Sampela kam olsem ol saintis na sampela kam olsem ol rises opisa na rausim sekim ol samting long bus, solwara na graun nabaut. Sampela gat ol hait tingting stap na yumi no save.

Tasol ol bikman na lida bilong yumi yet ol save long kam bilong ol dispela kain lain na ol no inap tokaut bikos ol gat bikpela hait bisnis insait long dispela.

Dispela samting save

kamap bikos ol lida save go long ovasis long mekim bisnis long nem bilong PNG tasol ol save mekim sampela sait bisnis tu wantaim ol ovasis bisnis lain. Bikos dispela rot bilong go kam long ovasis em op.

Nau yumi lukim oisem bikpela projek bilong LNG bai kamap long PNG na nau Gavman laik opim dispela dua bilong Lo bai ol ken go kam long ovasis isi na kisim moa hait bisnis kam long kisim sait kontrak na sait wok insait long LNG projek.

Mi skelim olsem dispela senis Gavman laik kamap long rausim pawa bilong Ombudsmen Komisin em kamap bikos long LNG projek wantaim olgeta arapela maining projek bilong PNG. Rausim pawa bilong Ombudsmen Komisin bai han lek bilong ol bai go longpela long pulim ol kain kain lain i kam insait.

Dispela em sain nogut mi ken lukim long dispela kain senis olsem long Lo bilong kantri. Lo i stap long lukautim na banisim gutpela laip na sindaun

bilong ol pipel. Tanim tanim Lo go kam bai sindaun go nogut na ausait lain bai kam pusim yumi go arere na digim ol graun, katim diwai na bomim solwara bilong yumi na kisim ol samting yumi papa long en.

Dispela em olsem Papua Niugini i opim dua long ol kainkain lain ken kam na go na mekim wanem samting ol laikim bikos Gavman yet i oraitim ol. Taim pipel laik kros liklik wantaim ol bai ol tok, go askim Gavman.

Tru tumas mi ting bihain bai sindaun bilong yumi bai bagarap bikos ol waitman na kongkong bai pulim ol bisnis na ol samting long bus graun bilong yumi na yumi bai sindaun maus op nating.

Gutpela nau long tokim olgeta memba bilong yumi long noken sapatim dispela Lo bilong Ombudsmen Komisin we memba bilong Esa'ala Moses Maladina laik kamapim long Palamen long nek mun. Stopim nau.



KOMENTRI

PNG, yumi mauspas?

TAIM gavman bilong Sir Julius Chan i bin tok orait long ol ausait paitman i kam long PNG long daunim ol hevi long Bogenvil, kantri bilong yumi i no bin wanbel tru.

Brigadier Jeneral long dispela taim, Jerry Singirok i bin wanpela tasol husat i bin opim maus bilong em long autim tingting bilong gavman.

Long dispela wanpela taim, em i bin yusim pablik tingting long stopim han bilong gavman.

Em i bin soim ples klia tru, strong bilong tingting bilong pablik.

Ol lida i ken mekim disisen long antap, tasol pawa tru tru i stap long namba bilong yumi ol pipel. Sapos i gat wanpela disisen i kamap we i no stap bilong strongim sindaun bilong yumi PNG, yumi ol pipel i gat rait long opim maus bilong yumi na autim tok.

Nau yumi ken lukim olsem dispela kain pasin i no moa stap.

Ol bikmanmeri lida bilong yumi bai tok pasin bilong opim maus na autim tingting em save opim rot bilong kirapim birua na belhevi.

Oltaim bai ol i tok long dispela as na ol sumatin bilong UPNG i lusim laip long wanpela protes mas ol i mekim.

Nau, UPNG i nogat maus olgeta.

Dispela pasin bilong opim maus, em i no samting nogut. Em i samting bilong strongim yumi wan wan.

Sapos yumi toktok long ol salens yumi bungim long kantri, bai gat gutpela tingting i kamap long we bilong abrusim, o daunim paul pasin.

Wankain olsem nau yumi harim biknem raskol man bilong PNG, William Kapris i tokaut long ol polisman olsem i gat ol lida man i stap insait na wok helpim em long ol bikpela stil pasin.

Sapos i olsem, yumi pipel i mas toktok strong na sapatim ol lain opis olsem Ombudsmen Komisen.

Sapos yumi harim tasol, na i nogat bilip long bel bilong yumi long stretim dispela kain hevi, bai yumi PNG i bagarap.

Nau gavman i laik rausim sampela strong bilong Ombudsmen long sekim na glasim gut wokabaut na raun bilong ol lida i go ausait long kantri.

Yumi PNG noken larim ol dispela kain samting i kamap.

Sapos yumi pasim maus na lus tingting long ol asua bilong ol lida na bikmanmeri, bai yumi oltaim stap aninit long paul tingting bilong ol.

Em i taim nau bilong opim ai, opim maus, na autim tingting, bai yumi ken kisim nupela tingting, strongim save, na lukautim kantri bilong yumi bilong ol lain bilong tumora.



Published Weekly, Thursday, for
Word Publishing Company, Ltd.
P.O. Box 1982, Boroko, NCD
Papua New Guinea
Telephone: (675) 325 2500
Fax: (675) 325 2579
Email: editorial@wantok.com.pg
Pe bilong wanpela yia
52 niuspepa

Ples:	Air:
PNG	K220.00
AUSTRALIA	US\$110.00
ASIA PACIFIC na JAPAN	US\$150.00
AMERICA na EUROPE	US\$210.00

General Manager
Elizabeth Konga

Editor
Neville Chai

Published at
Section 58, Allotment 3
Office 2, Waigani Drive.

Word Publishing Company Limited is owned by the four major churches of Papua New Guinea - Catholic 55%, Lutheran 25%, Anglican 10%, United Church 10%. The company reserves the right to accept or reject any advertisement or other material submitted for publication which it deems contrary to the public interest at its absolute discretion. The publisher's general terms acceptance are available at Word Publishing Company Ltd and are set out full on the display advertising form.



Obama win wantaim nupela helt plen lo

PRESIDEN Barack Obama i amamas na tromoi han long ol arapela lida insait long Wait Haus long Wasington long Trinde dispela wik bihain long em i kisim tok orait na sainim helt kea bil long mekim kamap lo. Dispela nupela helt ke plen i kamap bihainim tingting bilong Obama long strongim helt sevis i go long ol pipel bilong Amerika. **(AP Poto i kam long AAP Images)**



Das i pulap kapsait long Saina

OL turis i wokabaut long Olimpik Grin ples long biksiti bilong Saina, Beijing long Mande dispela wik. Ol bikipela win i kirapim ol wesana long ples drai bilong Saina na winim i go karamapim ol bikipela taun na siti. Olsem na olgeta manmeri long Saina i werim ol laplap karamap long pasim maus na nus bilong ol, nogut das i go insait. **(AP Poto i kam long AAP Images)**



Polis i mas stap fit

OL polisman bilong Saut Afrika, nau i bihainim nupela we bilong kaikai na stap fit. Dispela wik ol i lonsim wanpela progrem ol i kolim 'Viva Fitness' long skul polis bilong ol. Dispela fitnes progrem i kamap bihain long wanpela wok glasim i go insait long polis fos i painim olsem moa long hap long olgeta polis manmeri long siti Port Elizabeth i pat tumas, na i no inap mekim gut wok bilong ol. Nau, ol i gat nupela taim bilong ekksesais olgeta de, na ol i tambu long kaikai ol gris kaikai nogut. **(AP Poto i kam long AAP Images)**

Paia brukim ais

WARA paia i brukim bikipela hap blok ais long kantri Iceland. Em wanpela maunten paia i stap aninit long ais i pairap na brukim ais i kam antap long Sande dispela wik. Sampela handret manmeri ol i rausim ol pinis long wanpela liklik ples long Sande bihain long maunten paia i pairap na tromoi das na paia i go antap. Em i namba wan taim long dispela maunten paia i pairap bihain long 200 yia. **(AP Poto i kam long AAP Images)**





PLES NOGUT: Ol lain ya i soim ples we kar i bamim turangu Mogli



BEL HEVI: Nick Dilu bilong Nogar i soim bel-hevi ol pipel i gat long kisim nupela hai skul

BIRUA: Turangu Mogli i dai na slip i stap bihain long kar i bamim em



Papa indai long painim edukesen bilong pikinini meri

...Gena-Nogar pipel krai yet long hai skul

James Kila i raitim

WANPELA papa nem bilong em Mogli Pasiyagle bilong ples Welakumas insait long apa Gena-Nogar eria long Kerowagi distrik long Simbu provins i bin lusim laip bilong em taim em i lusim ples na wokabout longwe tru long painim gutpela kwaliti edukesin bilong pikinini meri bilong em.

Turangu papa ya i dai fran stret long ai bilong meri em Degelmba na tupela pikinini meri bilong em Rebecca na Dan, taim wanpela kar i bamim em long rot namel long Kodiu Sekendari skul na Migende Katolik misin stesin.

Birua i bin kamap long samting olsem 8:30 long Tunde moning long Februari 2.

Papa ya i lusim ples na kisim famili wantaim na ol i wokabout i go long Kondiu sekendari skul long painim spes long putim pikinini meri bilong em Rebecca Mogli, husat i gat 16-krismas. Tasol taim ol i kamap long Kondiu ol i tokim em olsem nogat spes long kisim Rebecca. Olsem na ol i harim tok tasol na tanim na wokabout i go bek.

Moglia i bin laik putim Rebecca long skul long Kerowagi sekenderi skul, tasol i gat kros na pait namel long ol pipel bilong em bilong Gena wantaim ol Siglku na em i pret long laip bilong pikinini meri. Olsem na em i bringim Rebecca i go long Kondiu.

Stori i go olsem Mogli wantaim meri na tupela pikinini meri bilong em Dan na Rebecca i bin lusim Kondiu bihain long ol i tokim ol olsem i nogat spes bilong Re-

becca long skul na ol i wokabout i go bek gen olsem long wanpela sap kona klostu long Bualkap viles taim wanpela daina trak i spit i kam na bamim em.

Bihain long kar i bamim em pundaun, kar i pulim em 6-mita long kolta na turangu i dai wantu tasol.

Wanpela sore stori tru i bin kamap bihain olsem taim Mogli i bin indai pinis, sampela ol lain brata i sekim poket bilong em na painim K600. Dispela mani em i redim long peim skul fi bilong pikinini meri bilong em. Ol i bin painim dispela mani taim ol i redi long putim Mogli i go insait long mog o kol-rum long haus sik long Kundiawa.

Turangu Mogli em wanpela hatwok papa stret husat i save laik tru long lukim ol pikinini bilong Gena-Nogar i mas skul strong na kisim gutpela edukesen. Em i save wok strong olsem wanpela bod ov menesmen memba long Kamanigle praimer skul na planti taim em save givim taim bilong em olsem volantia long karim ol skul saplai na wokabout long mausrot long Mindima long Okuk Haiwe na wokabout i go olgeta long skul long skul long Kamaigle, we longwe bilong en i olsem 10-kilomita.

Insait long planti yia i go pinis, planti ol lain bilong apa Gena-Nogar i bin lusim laip bilong ol taim ol i wokabout long painim gutpela edukesen bilong pikinini bilong ol.

Insait long sampela rekot, em i soim olsem wanpela yangpela boi, nem bilong em Garia Noglai, i bin dai long Wara Waghi taim em i skul long Kondiu

praimer skul long 1964.

Narapela sumatin tu i lusim laip bilong em long solwara long Voco Poin long Lae long 1980 taim em wanpela klas bilong em i go long Lae. Ol i no bin painim bodi bilong dispela sumatim Yaglgogl. Turangu dispela ol sumatin i lusim laip bilong ol long kisim edukesen long helpim Gena-Nogar.

Long 2008, narapela sumatin, Miugle Wille, husat i bin mekim gret 10 long Kerowagi Sekendari skul i bin lusim laip bilong em taim ol polis i sutim em. Dispela birua i bin kamap taim ol sumatin na polis i kros-pait long fran bilong Kerowagi polis stesin.

Long las yia (2009) wanpela gret 8 sumatin, Michael David, i bin lusim laip bilong em taim em i go long Gon-Kambua praimer skul long Kundiawa taun. Wanpela kar i bin ron antap long em na kilim em indai taim em i pinis skul na laik go bek long haus.

Ol pipel bilong Gena-Nogar i pasim tingting pinis long wokim wanpela nupela hai skul long taim ol i bin bung long soim sore bilong ol long papa ya Mogli.

Dispela hai skul bai sevim Kerowagi na Kundiawa-Gembogl distrik bikos Nogar i stap klostu long boda bilong tupela distrik na i gat 9-pela ol fida skul i stap long hap.

Kerowagi distrik na Kundiawa-Gembogl distrik edministresin i putim wanpela proposal o askim pepa pinis i go long kamapim Nogar hai skul long mun Novemba long las yia. Ol i bin salim dispela proposal i go long Edukesen Sekekeri,

Dokta Joseph Pagelio, Nesenel Plening Seketeri, Joseph Lelang na Fainens Seketeri, Gabriel Yer.

Ripot i tok olsem dispela 3-pela gavman ejensi i tok orait pinis long putim mani long projek ya long 2010-2011.

Simbu Provinsal Edministreta, Joe Kunda, Kerowagi Distrik Edministreta, Guma (James) Kowane na Kundiawa-Gembogl Distrik Edministreta, Kepa Pandan i sainim ol pepa wok pinis long fes na seken wok developmen long kamap long dispela nupela Nogar haikul.

Ol pipel bilong apa Gena-Nogar i laikim tru olsem wok developmen long dispela nupela Nogar haikul i mas stat hariap.

Dispela projek i kisim gutpela sapot i kam long MP bilong Kerowagi, Guma Wau, MP bilong Kundiawa-Gembogl, Joe Mek Teine na Simbu Gavana, Pater John Garia.

Long las yia tasol long mun Septemba, Memba Wau i bin opim nupela Singadan beli bris we bai i bringim gutpela helpim i go long moa long 6,000 pipel bilong Nogar, husat long bipo yet i save kisim hat taim tru long sait bilong trenspot.

Dispela beli bris nau i mekim isi tru long ol pipel long wokabout long Nogar i go long Kundiawa na go bek long ples. Dispela em gutpela driman ol i lukim kaikai bilong en i kamap bihain long 34 yia.

Ating sapos nupela hai skul i kamap, dispela driman tu i bai bringim Nogar i go long nupela kala na moa senis bai kamap long helpim ol pikinini bilong apa Gena-Nogar.

Pawa i go bek long ol pipel

John Fowke i raitim

GAT kain kain wei bilong lukautim kantri. Wanpela bilong ol dispela wei em ol i save kolim olsem "demokratik" sistem.

Dispela kain wei em i gupela tru long ol manmeri i stap aninit long en, bilong wanem olgeta pipel i gat rait long toktok long husat ol i ken ronim kantri bilong ol.

Na tu, ol manmeri i gat rait long tokaut na givim stia long ol man husat i makim long mausman bilong ol olsem memba bilong ol. Dispela rait em Mama Lo (Konstitusen) bilong kantri yet i givim ol pipel bilong dispela kantri. Tasol, dispela kain rait i no save stap long Papua Niugini. Planti ol memba ol i save lusim tingting long ol manmeri husat i bin votim ol. Ol i save stap longwe long ol pipel bilong ol, na wanwan taim tasol ol i go bek.

Dispela ol taim em bilong givim mani na ol samting long ol lain husat i bin sapotim ol long ileksen tasol. Ol i givim nau na ron-awe. Ol hevi na ol wari bilong ol pipel em ol memba ol i no interes, o ol i nogat tingting long en.

Pastaim long bikpela pait o Wol Woa 2, ol manmeri long Papua Niugini i no save olsem i gat ol narapela kantri i stap.

Dispela i senis bihain long bikpela pait ol i kolim Wol Woa 2 i pinis long 1945.

Taim dispela pait i pinis, ol manmeri bilong Papua Niugini i stat long luksave olsem ol waitman ol i manmeri tru na i no tewel bilong ol tumbuna bilong ol husat i bin dai pinis long en.

Na ol kago bilong ol waitman em ol man yet ol i wokim kamapim, i no wok bilong tewel samting.

Ol pipel bilong Papua Niugini i bin stap gut aninit long wan wan haus lain bilong ol yet.

I bin i gat planti dispela kain hauslain i stap long olgeta hap long kantri. Dispela i senis namel long 1964 na 1973, taim ol waitman i putim lo olsem olgeta manmeri i mas i gat nem long buk ol i kolim "komon rol" long votim ol lida man, na ol i mas lusim tingting long hauslain bilong ol na tingting olsem wanpela kantri.

Hariap tumas nau na ol i mas save long nupela politiks sistem. Planti long ol, ol i tingting nambaut na ol i no klia tumas long mining bilong politiks, long palimen, long memba na wok bilong en, na wanem samting ol i kolim olsem "politikol pati."

Bihain long kantri i kisim self-gavman, ol politikol pati i kamap. Tupela bikpela kain pati i kamap em Pangu Pati na Yunaitet Pati.

Ol man husat i go pas long Pangu em ol husat i bin go long skul, olsem na ol i save olsem ol manmeri bilong kantri i ken lukautim ol yet.

Tasol ol man i go pas long Yunaitet Pati i kam long Hailans we nogat planti i bin i go skul long en, na planti bilong ol i no klia tumas, olsem na ol i wari tumas, nogut kantri i no inap sanap long lek bilong em yet taim ol waitman i lusim ples.

Politiks sistem bilong Papua Niugini em i kain sistem we nupela tingting na wei bilong ol waitman i miks wantaim wei bilong ol tumbuna, kastom bilong ples na kain samting olsem. Pasin bilong ol tumbuna i olsem olgeta manmeri i mas skelim gut ol samting i stap insait long graun bilong wanwan haus lain.

Tasol taim ol politikol pati i kam insait, ol i brukim ol manmeri i go i kam na paulim tingting bilong ol gut tru. Insait long dispela kain ples nau sampela man tasol i kamap bikman. Ol pipel i no inap stopim or daunim pawa bilong ol dispela man bilong wanem ol i no klia tru long as bilong dispela nupela sistem. Olsem na ol man i gat pawa ol i kamap bikman tru.

Long dispela taim, ol polisi bilong tupela pati ya i bin stap ples klia stret. Dispela i senis planti. Nau i gat planti liklik politikol pati i stap. Tasol ol polisi bilong ol i no klia tumas. Wanpela bikpela wok tru bilong ol pati nau em bilong helpim ol man husat i statim pati long ol i ken stap yet long Pala-



MAN I RAITIM: Man husat i raitim stori John Fowke sanap wantaim bipo memba bilong Haus ov Asembli, Sinake Giregire.

men na yusim dispela posisen long sapotim ol wantok bilong ol yet na long kisim mani na ol narapela samting bai ol i ken stap bikman yet. I tru olsem ol pati i stap pinis, na dispela sistem bai no inap pinis hariap. Tasol i gat wanpela gutpela wei i stap bilong bringim senis.

Sistem we nau i stap i save mekim ol memba i lusim sit bilong ol hariap. I nogat planti memba i save holim sit bilong ol i go longpela taim. Dispela i save mekim ol memba i pret, nogut ol i lusim sit na namba bilong ol. Olsem na em i isi long ol i pundaun long kain kain traime na ol i kisim mani na ol narapela samting we em bai helpim ol long holim namba bilong ol i go moa yet. Dispela kain pasin bilong gavman i givim bikpela mani long ol memba long kontrolim i mekim ol memba i amamas bilong wanem ol i gat moa pawa nau long helpim ol yet bai ol i holim dispela wok olsem memba i go moa yet. Tasol sapos i gat wanpela wei bilong mekim ol memba i no pret long lusim sia bilong ol aninit long mama lo bilong kantri, orait i luk olsem bikpela senis bai kamap. I gat rot i stap, na dispela em long yusim moa ol lokal-level gavman o LLG. Dispela ol LLG i stap pinis long olgeta hap bilong kantri.

Mi bilip strong olsem taim yumi makim ol lokal-level gavman ol bai go pas long politiks em bai olgeta manmeri bai gat pawa long makim husat bai komyuniti na kantri bilong ol i ken ronim.

Nau bai ol pipel ol bai gat maus bilong tokaut bikos LLG bilong ol bai karim pawa i kam bek long ol. Olsem yumi lukim pinis, nau yet, ol memba i save go pas long olgeta wok, na ol i save pret nating nogut ol i lusim namba bilong ol. Dispela pret i mekim ol i no wok gut na i no tingim ol pipel husat i bin votim ol. Olsem tu ol manmeri wokman bilong ol gavman dipatmen ol save les na bikhet bikos politiks wokabaut long narapela rot na ol pablik sevis lain ol wokabaut long narapela rot gen.

Nogat bosman husat bai ken hatim ol na

kamapim bek ol sevis ol gavman lain ol mas givim yumi. Sapos ol LLG i wokim wok bilong ol gut, dispela kain pret bilong ol memba bai no inap stap moa. Sapos ol LLG sapotim ol memba na ol memba harim ol wari na hevi i kam long maus bilong ol LLG, em nau, sindaun bilong yumi bai ken senis.

Ol wok tru bai ol wok manmeri bilong ol gavman dipatmen i wokim, tasol ol LLG i ken was na lukluk bai ol wok manmeri i wok gut. Ol LLG i no ken mekim ol wok olsem ol i save mekim bipo, tasol ol i ken kamap olsem wasman bai ol wok manmeri bilong gavman dipatmen bai wok gut. Dispela bai mekim ol wok i go moa yet insait long wanwan eria o kaunsil wod we ol LLG i lukautim long en. Ol gavman wok manmeri bai no inap long painim ol kinkain wei bilong pulimapim poket bilong ol yet, olsem nau ol i wok long mekim stap. Na tu ol bai kamap long ples wok long tem bilong wok na mekim wok bilong ol bai stret na inap long laik na rait bilong yumi ol manmeri asples.

Ol kaunsil bilong ol ples nau i stap olsem ol olupela na gutpela dok. Ol i no inap mekim wanpela samting, tasol ol isave bikmaus taim i gat trabel long ples bilong ol. Tasol ol kaunsil i gat planti rispek i kam long ol pipel. Ol pipel i save bilip long ol na makim ol kamap kaunsila, olsem na ol i gat planti rispek. Ol manmeri i no lukluk i go long ol kaunsil long givim ol sampela samting, nogat. Ol komyuniti tu i save i gat planti sapot bilong ol kaunsila.

Wanpela bikpela samting em i olsem ol kaunsila i save stap wantaim ol pipel olgeta taim. Bikpela namba bilong ol pipel bilong kantri i save stap long asples graun bilong ol. Ol i wok long graun bilong ol yet. Nau, ol kaunsil i save stretim hevi long ples olsem bipo ol bikpela famili i save mekim. Man i save go pas long toktok em wod kaunsila. Sapos olgeta LLG insait long kantri i wok bung wantaim, bikpela samting i ken kamap.

Ol kaunsil long wanwan ples i ken mekim Papua Niugini i kamap wanpela strongpela kantri. Nau yet i nogat luksave bilong wok bilong kaunsil. Tasol nau em i taim bilong kirapim bek wok bilong ol LLG long wanwan ples ol asples.

Tasol kirapim bek bilong ol kaunsil i noken mekim ol i wok olsem bipo. Ol kaunsil bilong nau i mas olsem:

- Ol i noken i gat ol tipa trak na ol masin bilong stretim rot;
- Ol i noken i gat ol ples bliong kisim waisan na ol woksap;
- Ol i noken i gat ol kinkain tul, na kapenta na plama na peinta;
- Ol i noken i gat ol liklik bank o post-ofis na telefon.

Ol nupela kaunsil i nogat kain samting olsem ol kaunsil i save gat bipo. Ol nupela kaunsil bai i narakain olgeta.

Ol nupela kaunsil bai wok olsem:

Wanwan LLG bilong ples bai gat wanpela 4-wil kar. Pei bilong draiva wantaim disil na ol narapela samting i ken kam long nesnel gavman o memba bilong palamen bilong dispela eria. Ron bilong ol kar bai stap aninit long strongpela lo, na ol draiva bilong kaunsil tasol bai karim raun. Sampela taim ol kaunsila bai kalap long dispela kar na i go lukluk long ol wok i wok long kamap long wanwan kaunsil wod, kain olsem ol skul, helt senta, haus marasin, viles kot, ol polis stesin na ol ples bilong skulim ol fama, em ol dispela wok we gavman i givim mani long kamapim long en.

Ol kaunsila bai sekim ol wok we i kamap pinis, na ol wok we plen i stap bilong ol manmeri long ples i ken helpim long mekim kantri i kamap gutpela.

Ol LLG na ol pipel bai amamas long kain senis olsem taim ol i kisim gutpela toksave. Lukluk bilong ol memba bai sot olgeta sapos ol i no lukim ol gutpela samting i ken kamap taim ol wok i ron olsem. Taim ol memba i sapotim ol kaunsil, sapot bilong ol yet namel long ol pipel bai kamap bikpela moa yet. Tude, planti ol manmeri lukim ol memba olsem ol "konman", tasol taim ol i wok wantaim ol kaunsil long kain wei yumi toktok nau, ol manmeri bai lukim ol memba olsem ol trupela man bilong bringim sevis na senis i kam. Ol memba na Gavana nau bai mekim planti wok bilong ol lida man we ol Distrik Komisina na ol narapela wokman bilong distrik i save mekim bipo.

Dispela kain samting bai mekim olgeta man i kamap winman. Ol pipel bai win, memba bai win, na ol kaunsil bai win. Kantri bai kisim nupela strong long tingting na bel, long tok pait wantaim ol narapela kantri long banisim ol pipel na samting bilong em yet long narapela 20 yia i go.

Nau, ol pablik sevis wok manmeri ol i no save harim tok bilong ol gavana na memba tumas. Ol i save tok yesa long ol memba, tasol planti i save samting long laik bilong ol yet. Tasol taim ol LLG i wok gut, na ol pipel i stap baksait long ol LLG, ol wok manmeri bilong gavman bai kam aut long ples klia na wok stret, bilong wanem nau ol manmeri na ol kaunsila i was gut long wok bilong ol.

Palamen na Praim Minista wantaim ol Minista bilong em bai ol i mekim wok bilong lukautim olgeta hap bilong kantri, tasol ol LLG bai kamapim gutpela wok insait long ol distrik. Ol bai wok bung wantaim ol lida bilong wanwan provins olsem ol memba long planti gutpela wok i ken kamap insait long distrik. Dispela em wanpela samting planti man i toktok long en tasol i nogat man i mekim kamap tru yet. Olsem na nau taim bilong ol asples lain wantem ol kaunsila bilong ol, taim bilong ol i mas i kamap nau.

JOHN FOWKE em wanpela olupela Kiap long Kolonial edministresin husat i wok long planti ples insait PNG long Galp, Sentrol, Wes Nu Briten na Hailans rijen. Em i wok longpela taim olsem konsalten long PNG Kopi Industri na tu em i raitim sampela buk we i stori long PNG.



Program bilong Wanwan De

Mande - Fraide

6am - 10am - Sankamap show - Host: K.A.S.T
 6:15am - Komuniti Notis Bod
 6:30am - Nius Hetlains / Bondei grittings
 Trukai Rais - GES FAIA KOMPETISEN
 6:45am - Nuspepa Hetlains
 7:00am - Major Nius Bulletin - YUMIFM Nius Senta
 7:15am - Toktok sapotim LO na JASTIS Sekta
 7:30am - Trukai Rais - GES FAIA KOMPETISEN
 8:00am - Major Nius Bulletin - YUMIFM Nius Senta
 8:15am - Stori b'long Skelmin Tingting
 8:30am - Trukai Rais - GES FAIA KOMPETISEN
 9:00am - Nius Bulletin - YUMIFM Nius Senta
 9:15am - Luksave long Komuniti (Redio Pilai)
 9:30am - Trukai Rais - GES FAIA KOMPETISEN

9:45am - YUMI PAINIM WOK Segment
 10:00am - Nius - YUMIFM Nius Senta
 10am - 2pm - Monin Trek na Belo Pack - Host: VAVIESSIE
 10:10am - Lukatim yu yet - Helt toktok - RH Hyper Mart
 10:45am - YUMI PAINIM WOK Segment
 11:00am - Nius - YUMIFM Nius Senta
 11:10am - Cont'd - Lukauti yu yet - Helt toktok
 11:30am - Nius Hetlains b'long Belo Taim
 12:00pm - Major Nius Bulletin - YUMIFM Nius Senta
 12:10pm - BELO Taim - wantaim sapot b'long TELIKOM
 12:15pm - Komuniti Notis Bod
 12:20pm - BELO Taim - wantaim sapot b'long TELIKOM
 1:00pm - Nius - YUMIFM Nius Senta
 1:10pm - BELO Taim - wantaim sapot b'long TELIKOM
 2:00pm - Major Nius Bulletin - YUMIFM Nius Senta
 2pm - 6pm - Avinun Draiv Taim - Host: Enjo Dabix
 2:00pm - 4:00pm (Tundei / Fondei) TOKAUT TOKSTRET
 2:45pm - YUMI PAINIM WOK Segment
 3:00pm - Nius - YUMIFM Nius Senta

3:10pm - Avinun cruz
 4:00pm - Nius - YUMIFM Senta
 4:10pm - "FOAPELA KAM GUD LONG 4"
 4:30pm - Nius Hetlains
 4:45pm - YUMI PAINIM WOK Segment
 5:00pm - MAJOR Nius BULLETIN - YUMIFM Nius Senta
 5:10pm - 6:00pm - FLAME KULCHA (1 hr) listeners request
 6:00pm - MAJOR Nius BULLETIN - YUMIFM Nius Senta
 6 - 7pm - Maggi noodles request aua
 6pm - 00am - NAIT BEAT - Host: ANGRA KENNEDY
 6:10pm - 7:00pm Mun kamap sho
 6:45pm - Komuniti Notis Bod
 7:00pm - 9:00pm - COCA COLA GARAMUT
 9:00pm - 00am - Nait Beat - Isi Cruz long nait
 00am - 6am - BRUKIM TULAIT SHOW - Host: Papa Raegs / Sally / Nenge
 00:00 - Early Monin Taim Cruz (ol lain brukim tulait shift)
 - Musik / Request / Tok pilai
 - Kipin Kampani long ol nait shift.

Weekend Shift - Saturday & Sunday
 6:00am - 11:00am - Wilken Sanrais
 6:30am - Komuniti Notis Bod - Bondei grittings
 7am - 9am - Wilken Spots
 9am - 11am - Monin Raun
 11am - 1pm - National Weekly Hit Parade (Host Kas.T)
 2pm - 6pm - Sarere Avinun Draiv
 6pm - 00am - Nait Beat (Host Angra Kennedy)

YUMIFM POROMAN TEAM:
 Tumer (KAS.T) Arifeae - Team Leader / Program Director
 Angra KENNEDY - Senior Announcer
 Sinimil (Vaviesie) Philipo - Promotions Co ordinator
 Papa Raegs - Announcer Nenge Neings - Announcer
 Enjo Dabix - Announcer Selestine Sally Sino - Announcer

RADIO AUSTRALIA TOK PISIN PROGRAM

HARIM LONG: 101.9 FM

6AM Stesen Op - Nius Hetlain - Musik na ol intaviu
 6.30AM Nius na Karent Afes
 7AM Stesen Pas
 7PM Stesen Op
 7.01PM Ol Hetlain na Program Priviu
 7.15PM Musik na Chit-Chat
 7.30PM Nius na Karen Afecs
 8PM Helt
 8.15PM Musik
 8.30PM NUIS
 8.40PM Spots Riplei
 8.55PM Musik
 9PM Stesen Pas

TUNDE - Moring - Nait
 6AM Stesen Op - Nius Hetlain - Musik na ol intaviu
 6.30AM Nius na Karent Afes
 7AM Stesen Pas
 7PM Stesen Op
 7.01PM Ol Hetlain na Program Priviu
 7.15PM Musik na Chit-Chat
 7.30PM Nius na Karen Afecs
 8PM Mama Graun
 8.15PM Musik/Spots
 8.30PM NUIS
 8.40PM Helt Riplei
 8.55PM Musik
 9PM Stesen Pas

TRINDE - Moring - Nait
 6AM Stesen Op - Nius Hetlain - Musik na ol intaviu
 6.30AM Nius na Karent Afes
 7AM Stesen Pas
 7PM Stesen Op
 7.01PM Ol Hetlain na Program Priviu
 7.15PM Musik na Chit-Chat
 7.30PM Nius na Karen Afecs
 8PM Focus
 8.15PM Musik/Spots
 8.30PM NUIS
 8.40PM Mama Graun Riplei
 8.55PM Musik
 9PM Stesen Pas

FONDE - Moring - Nait
 6AM Stesen Op - Nius Hetlain - Musik na ol intaviu
 6.30AM Nius na Karent Afes
 7AM Stesen Pas
 7PM Stesen Op
 7.01PM Ol Hetlain na Program Priviu
 7.15PM Musik na Chit-Chat
 7.30PM Nius na Karen Afecs
 8PM Youth
 8.15PM Musik/Spots
 8.30PM NUIS
 8.40PM Focus Riplei
 8.55PM Musik
 9PM Stesen Pas

FRAIDE - Moring - Nait
 6AM Stesen Op - Nius Hetlain - Musik na ol intaviu
 6.30AM Nius na Karent Afes
 7AM Stesen Pas
 7PM Stesen Op
 7.01PM Ol Hetlain na Program Priviu
 7.15PM Musik na Chit-Chat
 7.30PM Nius na Karen Afecs
 8PM Wantok
 8.15PM Musik
 8.30PM NUIS
 8.40PM Youth Riplei
 8.55PM Musik
 9PM Stesen Pas

SARERE - Nait
 7PM Stesen op - Ol Nius Hetlain/Program Priviu
 7.05PM Musik na Chit Chat
 7.30PM Nius
 7.40PM Wantok
 8PM Lokal Ben
 8.30PM Nius
 8.40PM Musik/Chit Chat
 9PM Stesen Pas

SANDE - Nait
 7PM Stesen op - Ol Nius Hetlain/Program Priviu
 7.05PM Musik na Chit Chat
 7.30PM Nius
 7.40PM Femili Blong Serah (Redio Plei)
 8PM Lukluk Bek Long Wik
 8.30PM Nius
 8.40PM Musik/Chit Chat
 9PM Stesen Pas

Raun wantaim Wantok kru...

Pasin bilong amamas

'Tok Gutbai, Halo, Tenkyu em Bikpela Samting'...

Nicky Bernard i raitim

PASIN bilong yumi Papua Niugini long amamas em bikpela samting tru, dispela pasin bilong tok halo, Gutbai o tenkyu em save stap long yumi Papua Niugini stret.

Dispela ol liklik toktok, em bikpela samting stret long yumi wanwan, taim yu helpim narapela na em i tok tenkyu long yu, bai yu pilim stret long bon bilong yu olsem, em trutru brata o susa bilong yu, o pasin bilong yumi Papua Niugini.

Maski yu bilong wanem ples insait long Papua Niugini, tasol taim

yu tromoi dispela tok, Tenkyu, Halo o gutbai, em bai yu save olsem em pasin brata na susa stret na dispela ol liklik tok bai ken kism yu go long wei stret.

Entatenmen i lukluk long dispela ol toktok na i stori tupela liklik meri husat i silip long haus sik na dispela ol liklik toktok i mekim tupela i kam susa stret.

Terryanna em bilong Manus na Barakau, em i silip long narapela bet long wot 3C long bikpela haus sik long Mosbi. Long sait bilong bet bilong em, wanpela yangpela meri, nem bilong Trisa em bilong Kerema na Goilala. Tupela wantaim i save pilim pen long skin bilong tupela, tasol dispela tok halo

gutpela morning o gutpela nait i no save lus long maus bilong tupela taim i kirap long bet bilong tupela, Terryanna i lusim haus sik pas long Trisa. Taim Terryanna laik go em i go tok gutbai long nupela poro na nupela susa bilong em, Trisa i tok gutbai wantaim aiwara na em i raitim telefon namba bilong em long simen lek bilong Terryanna, dispela namba bilong Trisa, Terryanna i no save lus tingting long em, olgeta moning taim papa bilong Terryanna laik go wok, Terryanna i mas yusim fon bilong papa bilong em long ringim Trisa long tok halo na moning long em na askim sapos em orait. Nait tu bai wankain tasol Terryanna bai

ring long tok halo na gutnait tasol long Trisa.

Dispela halo, gutbai, tenkyu i bin mekim dispela tupela liklik meri i kam gut poro na susa stret, tupela tu i mekim ol famili memba bilong tupela i kam bung olsem wan famili.

Olsem na dispela liklik toktok bilong yumi Papua Niugini, olsem Gutpela nait, Gutbai, Halo, Moring, laikim yu na sampela moa yumi tingting em liklik toktok, tasol dispela liklik toktok i gat kaikai bilong em. Laka?

Tru, tru yumi Papua Niugini save long tok pisin bilong yumi na yumi gat pasin bilong amamas na stap wantaim.



PASIN SUSA: Gut Bai pren, Terryanna i gat planti poroman long haus sik, taim em i lusim haus sik ol poro bilong em ikam tok gut bai long em, wanpela gut poro bilong em stret tupela stap klostu klostu em Theresa poto i soim Terryanna i go kis long en na holim han bilong en, na tok gudbai. Poto Nicky Bernard

EMTV Television Guide

THURSDAY, 25 MARCH 2010

5.00AM G JOYCE MEYER Religious Program
 5.30AM G TODAY
 9.00AM EMTV PRIME TIME LINEUP
 CLASSROOM BROADCAST
 9.20am - Grade 7 Mathematics (repeat)
 10.10am - Grade 7 Science (repeat)
 11.00am - Grade 8 Mathematics
 11.50am - Grade 8 Science
 12.40pm - Grade 6 Mathematics (repeat)
 1.30pm - Grade 6 Science (repeat)
 2.30pm - DEPI Programme

6.57PM NEWS UPDATE IN TOK PISIN
 7.00PM G SPORTS SCENE
 7.27PM G EMTV TOK SAVE
 7.30PM G RAIT MUSIK
 8.30PM G ELITE MUSIC ZONE
 9.00PM PG CUSTOMS
 Underbelly's Damien Walsh-Hawling presents the compelling return of Customs. Drug traffickers, people smugglers and international terrorists all caught red-handed by customs officers. (New Series)
 9.30PM M FOOTY SHOW (return for 2010) Join Paul "Fatty" Vautin and Andrew Voss for the 2010 Footy Show. The boys bring you all the latest news, views and gossip from the 2010 NRL competition and the wider sporting world in their own unique and humorous style.

11.00PM G NATIONAL EMTV NEWS REPLAY
 11.30PM Australia Network
 FRIDAY, 26 MARCH 2010
 4.59AM STATION OPEN
 5.00AM G JOYCE MEYER: Enjoying Every Day Life
 5.30AM G TODAY
 9.00AM EMTV PRIME TIME LINEUP
 CLASSROOM BROADCAST

9.20am - Grade 7 Mathematics (repeat)
 10.10am - Grade 7 Science (repeat)
 11.00am - Grade 8 Mathematics
 11.50am - Grade 8 Science
 12.40pm - Grade 6 Mathematics (repeat)
 1.30pm - Grade 6 Science (repeat)
 2.30pm - DEPI Programme
 2.59PM STATION OPEN
 KIDS KONA
 3.00PM G DOGSTAR
 3.30PM G HI-5
 4.00PM G SNOBS
 4.30PM G THE SHAK
 4.57PM G EMTV TOK SAVE
 5.00PM G HOT SOURCE
 5.29PM G EMTV NEWS UPDATE
 5.30PM G WHO WANTS TO BE A MILLIONAIRE - HOT SEAT

FOOTBALL - Dragons v Cowboys
 Venue: WIN Stadium, Wollongong.
 11.52PM G NATIONAL EMTV NEWS REPLAY
 12.00PM Australia Network

SATURDAY, 27 MARCH 2010

11.59AM STATION OPEN
 12.00PM PG THE SENSITIVE SAMURAI
 A classic samurai drama, set in the 18th century; tragedy, honour, revenge, love, tears, laughter and swordsmanship extraordinary.
 The hero Matahachiro flees to Edo (now Tokyo) after becoming embroiled in a feud and killing his sweetheart's father. He finds work as a bodyguard, but spends a good deal of his time defending himself. He even crosses paths with the real-life "forty-seven ronin," who are seeking revenge for the forced suicide of their lord.
 Meanwhile, Matahachiro cannot forget his sweetheart back home.
 1.00PM PG SURVIVOR SAMOA
 2.00PM G SUPER 14:
 4.00PM G TOTAL RUGBY
 5.00PM G THE GARDEN GURU
 5.30PM G MXTV
 6.00PM G NATIONAL EMTV NEWS
 6.30PM PG AUSTRALIA'S FUNNIEST
 7.30PM G IN MORESBY TONIGHT

7.57PM EMTV TOK SAVE
 8.00PM PG RAIT MUSIK
 9.10PM G SUPER 14
 LIVE Western Force v Bulls, in Perth Round-robin competition between teams from Australia, New Zealand and South Africa.
 11.10PM PG ELITE MUSIC ZONE
 11.40PM G N/EMTV NEWS REPLAY
 11.30PM Australia Network

SUNDAY, 28 MARCH 2010

6.29AM STATION OPEN
 6.30AM G IT IS WRITTEN: HILLSONG
 7.00AM G Australia Network
 7.30AM STATION RE-OPEN
 9.29AM WIDE WORLD OF SPORTS (Returns for 2010)
 10.00AM G SUNDAY FOOTY SHOW
 12.00PM G SUNDAY ROAST
 1.00PM G WWE AFTERBURN
 2.00PM G SUPER LEAGUE
 4.00PM G Hull KR v Wakefield SUNDAY FOOTBALL
 Bulldogs v Roosters
 Venue: ANZ Stadium
 6.00PM G NATIONAL EMTV NEWS
 7.30PM PG DOMESTIC FLIGHTS
 7.30PM G 60 MINUTES

TORO



BIABIA



KANAGE



TOKWIN

Gut bai WW...

Toksori i kam long Wantok Pool tim long dai bilong wanpela gut-pela poro na wok meit bilong mipela, William Williando husat i dai long Sande las wik. William bin wok wantaim Word Publishing long 1980 na stap planti yia liklik bipo en i go joinim Post Courier na National. William em wanpela gutpela poro tru na man bilong tok pilai. Husat i save long em bai tokaut stret husat em WWW.com. Gut bai na God i blesim yu na yu malolo oltaim. Mipela bai misim yu stret, bro!

Piksa nogut blokim pikinini program..

Long ovasis long America ol pikinini i wok long lukim favour-get kids kona program bilong ol na kirap nogut program i senis hariap tru na ol piksa nogut bilong Play Boy i kamap. Piksa i stap olsem 2pela minit we ol mamapapa bilong ol pikinini i .ron i kam na pasim TV na ring i go long TV kampani we ol kamapim Kids Kona program long sekim wanem as tru na program i senis. Bikman long TV kampani i givim bikpela tok sori na tokaut long sampela asua i bin kamap long taim ol laik

senisim ol progrem long studio bilong ol na dispela asua i bin kamap.

Yunifom mas stap wansais tasol...

Long Saut Afrika bos bilong polis i mekim wanpela strik lo stret long ol polismanmeri bilong em. Taim yu stap long polis ekedemi yu mas stap fit long yunifom ol i givimyu. Dispela yunifom em liklik sais na yu mas fit tru long werim dispela yunifom. Dispela sais bilong yumifom mas stap wantaim yu i go yu ritaita long polis. Sapos yu abrusim dispela sais bai pinis long polis fos bikos yu put on weit.

Tokwin Tasol...

A	I	R	N	I	U	G	I	N	I	E	S	K	A	G	O	A
H	U	R	T	S	H	N	M	O	L	V	U	E	R	C	R	I
P	S	E	S	I	A	L	E	T	W	R	Y	I	P	I	L	R
L	I	E	X	F	S	D	E	R	Y	V	S	X	A	J	H	L
E	A	S	K	H	J	K	L	O	P	K	U	N	B	N	S	I
S	E	I	U	I	T	F	D	S	R	E	O	O	I	P	U	N
B	C	F	P	R	N	E	Y	U	F	I	S	P	A	R	T	E
A	I	P	O	J	R	E	W	S	T	S	F	G	I	K	K	S
L	T	O	L	U	A	F	R	A	S	I	T	E	E	L	E	P
U	I	N	I	G	H	K	N	V	D	R	K	U	O	I	S	N
S	R	K	H	D	S	S	E	E	W	T	T	E	P	O	I	G
E	U	D	R	S	D	C	V	T	N	M	E	T	T	O	P	S
R	Y	E	Y	N	N	J	K	L	O	P	K	C	V	R	I	E
T	K	O	A	P	L	K	N	B	D	R	S	I	A	E	A	R
I	E	L	S	T	P	A	I	L	O	T	I	U	I	L	Y	M
W	S	E	A	R	T	Y	I	N	E	R	B	A	L	U	S	A
I	K	L	J	I	U	S	P	E	A	H	O	S	T	E	S	F

Painim ol dispela toktok bilong ron long balus:

BALUS	AIR NIUGINI	AIRLINES PNG	MAF
ISLANDS NATIONAL	PLES BALUS	KAGO	TI
KOPI	JIUS	BISKET	SIA LET
SEA	TIKET	SEKIN	SEKYURITI
LAP JAKET	EA HOSTES	PAILOT	SUTKES

	5							1
2	9	1	6	4				3
				9			4	6
		8	2	5	4	7		3
7								5
9		5	1	7	3	8		
	8	9			3			
	7				8	6	1	5
5								8

7	2	8	3	4	1	5	8	9
4	6	3	7	5	9	8	2	1
1	5	9	8	2	6	3	4	7
2	7	4	9	1	5	6	8	3
8	1	5	6	3	4	7	9	2
9	3	6	2	7	8	1	5	4
3	4	7	5	6	2	9	1	8
6	8	1	4	9	7	2	3	5
5	9	2	1	8	3	4	7	6

Ansa bilong las wik Sudoku

Ansa bilong las wik Pasol

T	A	B	A	G	A	U	B	I	L	O	N	G	N	A	I	T
				S												
K				E				K	V	M	U	L				P
A				K	A	L	A	N	G	A	R					I
K								A							S	
A								K	O	K	O	M	O		S	I
B								T						A	N	K
G								U	B	I	A					K
K															B	I
															A	P
															P	I
I								F	A	T	O	L	G		B	V
A															A	I
N															A	U
A															K	A
A															S	A
F															A	
W															S	

EMTV Television Guide

8.30PM M SUNDAY NIGHT MOVIE PRE-MIERE: RIPLEY'S GAME (2002) Crime/Drama/Mystery/Thriller - Tom Ripley persuades a man to commit a murder for a large sum of money. The situation goes out of control, and that man must escape trouble. Stars: Ray Winston, John Malkovich.
10.30PM G HILLSONG
11.00PM G NATIONAL EMTV NEWS REPLAY
11.30AM Australia Network

MONDAY, 29 MARCH 2010

5.00AM G JOYCE MEYER Religious Program TODAY
9.00AM EMTV PRIME TIME LINEUP CLASSROOM BROADCAST
9.20am - Grade 7 Mathematics
10.10am - Grade 7 Science
11.00am - Grade 8 Mathematics
12.00pm - Grade 8 Science
12.40pm - Grade 6 Mathematics
1.30pm - Grade 6 Science
2.30pm - DEPI Programme
KIDS KONA
3.00PM G THE EGGS
3.30PM G HI-5
4.00PM G THE PYRAMID

4.30PM G THE SHAK
4.57PM G EMTV TOK SAVE
5.00PM G HOT SOURCE
5.29PM G EMTV NEWS UPDATE
5.30PM G WHO WANTS TO BE A MILLIONAIRE - HOT SEAT CRIME STOPPERS
5.55PM G NATIONAL EMTV NEWS
6.00PM G A CURRENT AFFAIR
6.30PM G TOK PIKSA
7.00PM G EMTV TOK SAVE
7.27PM G THE SIMPSONS
8.30PM G SUPER LEAGUE Wigan Warriors v Leeds Rhinos All the action of the English super league competition
9.00PM G NATIONAL EMTV NEWS REPLAY
11.00PM G Australia Network

TUESDAY, 30 MARCH 2010

5.00AM G JOYCE MEYER Religious program TODAY
9.00AM EMTV PRIME TIME LINEUP CLASSROOM BROADCAST
9.20am - Grade 7 Mathematics
10.10am - Grade 7 Science
11.00am - Grade 8 Mathematics
11.50am - Grade 8 Science

12.40pm - Grade 6 Mathematics
1.30pm - Grade 6 Science
2.30PM - DEPI Training
2.59PM STATION REOPEN
KIDS KONA
3.00PM G THE EGGS
3.30PM G HI-5
4.00PM G THE PYRAMID
4.30PM G THE SHAK
4.57PM G EMTV TOK SAVE
5.00PM G HOT SOURCE
5.29PM G EMTV NEWS UPDATE
6.00PM G NATIONAL EMTV NEWS
6.30PM G A CURRENT AFFAIR
7.00PM G HAUS & HOME
7.57PM G EMTV TOK SAVE
8.00PM PG CRUSOE Based on the classic Daniel Defoe novel, this 13-part drama promises plenty of action and adventure. The story revolves around a man named Robinson Crusoe who, along with his companion Friday, get stranded on an island for 28 years.
9.00PM G SUPER LEAGUE Salford City Reds v Hull FC
11.00PM G EMTV NEWS REPLAY
11.30PM Australia Network

WEDNESDAY, 31 MARCH 2010

5.00AM G JOYCE MEYER

5.30AM G Religious Program TODAY
9.00AM EMTV PRIME TIME LINEUP CLASSROOM BROADCAST
9.20am - Grade 7 Mathematics
10.10am - Grade 7 Science
11.00am - Grade 8 Mathematics
11.50am - Grade 8 Science
12.40pm - Grade 6 Mathematics
1.30pm - Grade 6 Science
2.30PM - DEPI Training
2.59PM STATION OPEN
KIDS KONA
3.00PM G THE EGGS
3.30PM G HI-5
4.00PM G THE PYRAMID
4.30PM G THE SHAK
4.57PM G EMTV TOK SAVE
5.00PM G HOT SOURCE
5.29PM G EMTV NEWS UPDATE
5.30PM G WHO WANTS TO BE A MILLIONAIRE - HOT SEAT
5.55PM CRIME STOPPERS
6.00PM G NATIONAL EMTV NEWS
6.30PM G A CURRENT AFFAIR
6.57PM NEWS UPDATE IN TOK
PISIN
7.00PM PG THE WORLD AROUND US:

A Century of Rugby League: Representative Football
The honour of playing representative football is all about recognition and reward, the pride of playing for your birthplace your state and your country. The program also examines the history of the World Cup, founded by the forgotten giants of Rugby League, the French. We also look at PNG Rugby League and the memorable tour of the 1991 Kangaroos.

7.57PM EMTV TOK SAVE
8.00PM M RESCUE SPECIAL OPS
9.00PM M WEDNESDAY NIGHT MOVIE: THE BROTHERS GRIMM - (2005) Comedy/Adventure/Fantasy/Thriller - Folklore collection and con artists Jake & Will Grimm, travel from village to village pretending to protect town folks from enchanted creatures and performing exorcisms. They are put to the test, however, when they encounter a real magical curse in a haunted forest with real magical beings, requiring genuine courage. Stars: Heath Ledger & Matt Damon.
11.00PM G NATIONAL EMTV NEWS REPLAY
11.30PM Australia Network

Raun wantaim Kanage olgeta wik



NEM: Allan Poroip
KRISMAS: 16 (man)
ADRES: P. O Box 82, Markham Farm Lae, Morobe Provins
SAVE LAIKIM: raun long bus, pani stori na go pinik.

NEM: Vincent J Avae
KRISMAS: 22 (man)
ADRES: P. O Box 28, Baimuru, Gulf Provins
SAVE LAIKIM: pilai volibol, rugbi, ridim buks na harim musik.

NEM: Anthony Mitapa
KRISMAS: 22 (man)
ADRES: C/- Angoram Parish, P.O Box 36, East Sepik Province
SAVE LAIKIM: Go lotu, harim gospel, pilai gita na kibod

NEM: Anno Tikos
KRISMAS: 16 (man)
ADRES: P.O Box 220, Kanabea, Gulf Province
SAVE LAIKIM: Pilai volibol, soka na ritim nius-pepa

NEM: Anthony Mitapa
KRISMAS: 22 (man)
ADRES: C/- Angoram Parish, P.O Box 36, East Sepik Province
SAVE LAIKIM: Go lotu, harim gospel, pilai gita na kibod

NEM: Rose Kisi
Krismas: 29 (meri)
ADRES: Via 2 Guigno 1946 N.5, 44011, Argentina (Fe) Italia
SAVE LAIKIM: Raun, harim music, danis, pilai spots na raitim pas

NEM: Nelson Doapa
KRISMAS: 22 (man)
ADRES: Watut Bridge Store, P.O Box 111, Bulolo.
SAVE LAIKIM: Raitim pas, raun na raitim pas

NEM: Ricky Kasa
KRISMAS: 22 (man)
ADRES: P.O Box 4088, Morobe Province.
SAVE LAIKIM: Pilai ragbi, volibol, kukim kaikai, wasim kolos, wok gaden na raitim pas.

NEM: Kama Hasu
KRISMAS: 16 (meri)
ADRES: Oil Palm Industry Cooperation, P.O Box 592, Kimbe, West New Britain Province
SAVE LAIKIM: Pilai spot, makim pani, ritim buk, harim musik na lukim TV

NEM: Miriam Jonah
KRISMAS: 29 (meri)
ADRES: RD Tuna Canner, P.O Box 2113, Madang Province.
SAVE LAIKIM: Stori, mekim pani na harim musik.

Abus bilong sak

KANAGE bilong Enga na poro bilong em bilong Sepik. Tupela save stap long Enga longpela taim pinis. Kanage tokim poro bilong em olsem, "mitupela stap long Hailans longpela taim tumas. Nau yumi go stap long nambis bilong Sepik wara".

Poro kisim Kanage i go raun long waswas long nambis, na em i tokim Kanage, "Taim yu waswas long wara na lukim wanpela pin i katim wara na spit i kam, em yu mas save olsem trabol, na yu mas swim i kam bek."

Kanage bekim na tok, "yu noken wari, wara Lai mi save brukim long taim em ren".

Em nau tupela go swim long Sepik wara na tromoi net long painim pis na Kanage i go swim. Em swim na singsing olsem (Sepik meri yu skul meri yet). Taim em i singsing, em i no save olsem em i stap long dip solwara. Sem taim em i lukim pis i katim wara na i kam. Kanage save olsem em trabol. Em i swim long baksait i kam na i singsing, "Jisas love the little children all the children of the world."

Em swim i kam long arere na tokim poro bilong em, "tumoro tasol bai mi go bek long Hailans bilong mi long Enga Provins. Klostu mi kamap abus bilong sak."

Wally Anis
Mt Hagen

Kros nating

KANAGE i raun long Eriku long Lae i stap, na em i harim sampela man i singaut olsem "Oyo.....ol ari yet." Dispela em taim ol i lukim ol yangpela meri Buang i pulim longpela lain na raun i stap.

Kanage harim olsem na kros olgeta, bikos em i ting ol i paul na kolim nem bilong ples bilong em long Ali ailan long Wes Sipik Provins.

Boi go tasol na askim wanpela man i sanap poromanim Papindo stua i stap. "Brata, ol lain ya i kolim Ari, em long Wes Sipik o?" Em nau man ya i go na askim ol Buang. Wanpela bilong ol i kam tasol na tokim Kanage, "Oroman, ating yu mas rongrong ya. Ari em i kantri sait bilong ol Buang ya." Kanage harim olsem na sem wantaim na tekov.

Awa Giame & Erika Nunu
Wan Mail- LAE.

Froto kisim ring ya!

TRIEPELA mun i go pinis na wanpela wantok bilong Kanage i kam long lukim em long haus bilong em. Long dispela taim sik i pamim Kanage nogut tru na em i slip long haus win long baksait na em i no harim poro bilong en i kam. Em i slip i stap na poro bilong en i kam singaut klostu long iau bilong en. "Kanage, Kanage. Yu orait o nogat. Em mi ya, Golum." Man, taim em i harim nem em i ting em i stap in-



sait long piksa bilong Lord of the Rings na em i tingim pes bilong en na em i singaut antap stret na tok, "Aya, Golum, mi no save long dispela ring. Em Froto kisim. Froto. Froto. Haskim Froto. Plis lusim mi yah. Mi no mekim wanpela rong. Mi lukim piksa tasol yah."

Man, taim poro bilong en i harim dispela em i kisim traipela diwai na paitim Kanage long wanem em i ting em i tokaut long ring bilong meri bilong en we i bin paul long haus bilong ol. Meri bilong en i bin rausim long soim poro bilong en olsem em i no marit. Meri bilong en i save paul raun raun na wanpela taim em i haitim ring na em i no save long wanem hap em i putim. Taim masta i askim em, em i giaman tok olsem em i pundaun. Tasol man bilong en i bin harim olsem em i save paul na em i kam long askim Kanage sapos em i harim sampela stori long dispela. "Yu tasol paul wantaim meri bilong mi ah!" Kanage pilim pen na opim ai na em i lukim poro bilong em na i tok, "Olosem wanem na yu paitim mi stap. Yu sanapa bris. Kilia i ko." Na tupela i pait i go i kam i go inap san i go daun.

Wanpis mangi
Lae siti

'Mi save hatwok'

KANAGE tokim liklik pikinini bilong em long go baim mutrus bi-

long em na pikinini tok em i les. Em nau Kanage belhat na kirap paitim em. Meri bilong Kanage harim pikinini krai na em i siksti kam ausait long haus na askim Kanage. "Kela bun bun, yu paitim nating pikinini long wanem?" Kanage kirap na tokim meri bilong em olsem "Mama yu noken askim mi dispela kwesten, samting mi wok hat na dispela pikinini kamap, olsem na sapos em i bikhet, mi gat olgeta rait long paitim na skulim em." Em nau meri bilong em kros na kirap tokim em. "Dispela wok bilong wok hat na kamapim ol pikinini yu save tumas. Tasol long wokabaut i go na baim mutrus yu pilim skin les." Meri bilong em i tok olsem na mekim Kanage i belhat na kros nogut tru, na i kirap tokim meri bilong em. "Gutpela tru na yu kam maritim mi, na yu stap gut olsem na yu hambak. Ating sapos papa antap i no wokim mi, bai yu painim man i go nogat na bai yu go poromanim wanpela dok man na karim dispela yau pas pikinini ol i save kolim hapkas dok na sipsip.

Friedson Kipas
BULOLO, LAE

Ol skwat!
 Salim ol gutpela Kanage tok pilai i kam long:
 Kanage Tok Pilai
 P.O. Box 1982,
 Boroko, NCD
 Port Moresby.
 Email: atolire@wantok.com.pg

Bai yu i gat sans long winim
 "Raitman Kanage"
 t-siot!

Painim Tok! Raitim daun wanem pani samting yu ting i gutpela insait long babol long poto...

BAI YU WINIM WANPELA WANTOK T-SIOT O LAPLAP!

Salim i kam long: **Pani Toktok Kompetisen, P.O. Box 1982, Boroko, NCD Port Moresby** - Sapos mipela i lukim wanem samting yu raitim i gutpela bai yu winim wanpela Wantok T-Siot o laplap na bai mipela i putim i go insait long pepa.

Nem:..... Adres:.....

Krismas bilong yu:..... Telepon:.....

Yu baim Wantok niuspapa long wanom hap:.....

(Rot, Maket, Stua).....

Karim long hin.....

Papagraun redi long projek

Paul Zuvani i raitim

FONDE 11 Mas, 2010 i lukim ol papagraun long Yandera, Bundi Madang provins i rejistaim asosiesen bilong ol wantaim Invesmen Promosen Atoriti (IPA).

Dispela em i namba wan taim bilong ol papagraun i kamapim kain samting olsem long givim sapot bilong ol long wok maining i kamap long ples bilong ol.

Na ol i amamas olsem dispela luksave i kamap we IPA i givim setifiket bilong inkopresen long ol.

Nau yet, inap olsem 26 mausman i makim wan wan klen i stap long Yandera insait long dispela asosiesen.

Long dispela 26, ol i makim foapela olsem hap taim opisel bilong asosiesen.

Dispela ol man em Yoge Kondrak bilong Degru klen (presiden), Peter Asuwe bilong Mendi (vais presiden), John Angiva bilong Geguru

klen (tresera) na Paul Wavia bilong Yandera klen (sekreteri).

Long strongim stap bilong asosiesen, ol memba i askim Mineral Risoses Atoriti (MRA), Madang Provinsel Gavman na Marengo long helpim ol.

Tasol dispela wokabout bilong grup i no inap kamap sapos divelopa bilong kopa na Molibdenum projek, Marengo Maining Limited, i no givim sapot.

Komyuniti Afeas Kodineta bilong Marengo, Greg Tuma, husat i go pas long grup na kam long Mosbi long rejisterim Asosiesen i tok kampani i kamapim wanpela piksa lo long ol papagraun i bihainim na kamapim lo bilong ol.

Na wantaim dispela lo ol inap long rejistaim asosiesen.

Interim presiden Mista Kondrak i tok grup i amamas na tok tenkyu long Marengo i helpim ol.

Sampela em i namba wan taim bilong ol long kam long Mosbi.

Tasol em i no bin isi long wanbel i kamap namel long ol papagraun.

Sampela ol papagraun i bin no laik tasol bihainim wanbel wantaim ol manmeri long ples.

"Mipela i amamas long rejistaim asosiesen na olsem bai nogat manmeri bai pasim sapot mipela i givim long kamap bilong dispela projek.

"Mipela i singaut long ol pikinini bilong mipela husat i stap long taun long givim sapot bilong ol tu. Ol i no ken kropsait wantaim ol manmeri long ples," Kondrak i tok.

Em i tok ol sevises bilong gavman i go long ol i nogat tru tasol wantaim kamap bilong dispela projek ol i stat long lukim planti senis long sait bilong helt, edukesen, wara, sosel na mani samting.



AMAMAS: Peter Asuwe, Yoge Kondrak na Greg Tuma (sindaun), Julius Angiva na Paul Wavia i amamas long IPA setifiket ol i kisim. Foto: Paul Zuvani

Gutpela komyunikesen, gutpela sevis

Paul Zuvani i raitim

MINISTA bilong Komyunikesen na Infomesen Patrick Tammur i tokaut long las wik long Kabinet i endosim kamap bilong e-Gavman projek.

Dispela projek em Gavman yet i kamapim na i kamapim wantaim as tingting bilong bringim gutpela sevis i go long ol manmeri.

Ol sevis olsem olsem rot, bris, helt, edukesen, agrikalsa i no kamap gut long ol ruel ples.

Na tingting bilong Gavman long kamapim kain sevis i gutpela nius long ol manmeri long ples.

Sapos I gat gutpela save i ron na stap namel long ol bikpela dipatmen na ejensi bilong gavman gutpela sevis bai go long manmeri.

Long kamapim dispela Integrated Gavman Infomesen Sistem (IGIS) Mista Tammur i tok Gavman bai askim wanpela Saina kampani.

Dispela kampani em Huawei Teknolojis Ltd.

Gavman bai kisim US\$53 milion (K160.6 milion) dinau mani long EXIM Benk bilong Saina na kamapim dispela projek.

Em i tok Gavman i bin askim tu Telikom PNG long kamapim hap bilong "Shared" Sevises olsem Gavman Data Senta.

Em i tok long dispela projek ol bikpela hap em olsem



Patrick Tammur, Minista bilong Komyunikesen na Infomensen.

long IGIS Netwok, Shared Sevises, Distrik Menesmen Sistem na "Enhanced" Eksekyutiv Ripoting Sistem.

Tammur i tok Huawei bai kamapim Netwok bihainim ol mak na ol tingting i stap long Dipatmen bilong Komyunikesen na Infomesen na Infomesen Teknoloji Bod.

"Gavman i laik bungim wan wan ol gavman dipatmen na ejensi long wok bilong infomesen."

"Driman bilong mipela em long ol gavman dipatmen long ol bung wantaim, save long wanpela na narapela long wok ol i mekim bai ol i ken kamapim mak em Visen 2050 i laikim long em," Mista Tammur i tok.

Long askim Saina infomesen teknoloji kampani long

kam, Minista i tok dispela i bihainim tupela Memorandum ov Andastending (MoU) Gavman i kamapim long 2009.

Long 24 Mas 2009 Gavman i bin kamapim MoU wantaim Gavman bilong Malaysia na long 23 Epril, 2009 Gavman i kamapim MoU wantaim gavman bilong Saina.

Tammur i tok long Gavman i kisim sosel, kalsarel na ikonmik na ol arapela bikpela samting em i gutpela em i mas i gat ICT.

"PNG i mas long dispela wok long em ken wok wantaim ol senis we i wok long kamap.

"IGIS projek bai strongim save bilong ol manmeri," Tammur i tok.

Ela Motos kisim luksave

ELA Motos i kisim luksave long long Toyota Tsusho Koporesen na Toyota Moto Koporesen bilong Siapan long kamapim gutpela long 2009. "Long yia we bikpela hevi bilong mani i kamap long wol Papua Niugini Toyota maket i lukim gutpela mak bilong seils."

"Bikpela as tingting na sapot wantaim gutpela lukluk long sapotim program long dispela kantri i luim Ela Motos i kamapim nupela rekot."

"Na dispela i gutpela nius long kampani," David Purcell menesing dairekta bilong Ela Motos i tok.

Em i mekim dispela tok long taim Toyota Tsusho Koporesen na Toyota Moto Koporesen bilong Siapan i givim lukave long kampani biong en long gutpela wok em i kamapim long 2009.

Ela Motos i kisim luksave long dispela ol seils long Junzo Shimizu, presiden bilong Toyota Tsusho koporesen.

Dispela ol seils em:

- Toyota seils bilong 3,314 yunit long 2009;

- Yamaha seils bilong 5,131 yunit long 2009 na

- Hino seils bilong 182 yunit long 2009.

Wantaim dispela Ela Motos i kisim awot bilong Menesing Dairekta Ekse-lensi Awot long gutpela Rijinel Bisnis wok long Shigeru Ito, menesing dairekta bilong Toyota Tsusho Saut Pasifik Limited.

Long pinisim gutpela mak bilong yia Ela Motos i kisim tu "Overall Marketing Award



KISIM LUKSAVE: Mista David Purcell menesing dairekta bilong Ela Motos i holim MD awot long luksave em i kisim long Toyota Tsusho Koporesen na Toyota Moto Koporesen bilong Siapan long kamapim gutpela long 2009. Foto: ELA MOTORS

for 2009" long Akio Toyoda, presiden bilong Toyota Moto Koporesen kampani.

"Dispela bai i no inap long kamap sapos ol wokmanmeri bilong Ela Motos i no wok hat na mekim gutpela wok."

"Tingting bilong ol long bungim laik bilong ol kastoma na helpim ol gut i lukim kain mak i kamap."

"Long taim Hino na Yamaha model reins na prodak developmen disain i kamap ol opisa bilong Ela Motos i save gut tru long wanem samting ol bai mas kamapim."

"Dispela awot i go long ol na long makim ol mi amamas long kisim dispela ol awot," Purcell i tok.

Ela Motos i bin stap wok long PNG inap long 46 kris-mas na i papa bilong Toyota, Hino, Yamaha, Daihatsu, Massey Ferguson na Mack.

Kampani i gat ol wokmanmeri moa long 900 husat i stap long olgeta hap bilong kantri long 16 brens.

Long 2009 Toyota, Hino na Yamaha i lukim ol kastoma i baim planti bilong dispela long sait bilong Atomobil, Hevi trak na Autbot Moto.

EU i strongim wok bilong NARI

Seniorl Anzu i raitim

KAPESITI bilding o strongim wok i bikpela tingting bilong Yuropien Yunion long wok bilong developmen insait long Papua Niugini, Solomon Ailans na Vanuatu.

Dispela sapos em i wok bilong edukesen, gavanens, tred o rurel developmen.

Dispela i tok bilong Dokta Kay Beese long taim em i lonsim nupela websait bilong Nesanel Agrikalsa Risets Institut- Yuropien Yunion na Afrika Karebien na Pasifik Saiens na Teknologi (NARI-EU-ACP S-T) Program long Lae long Fonde 18 Mas, 2010.

"Tupela bikpela hap bilong PNG Kantri Strateji pepa 2008 i go long 2013 we i gat mani mak bilong 130 milion Yuro (K520 milion) i stap long Rurel Developmen na Humen Risoses Developmen."

Long taim bilong lonsim dispela NARI-EU-ACPS-T Program long sait bilong kapasiti bilding Dokta Beese i tok wok bilong kisim save na strongim wok i stap aninit long risets program.

Long dispela as dispela program i mas kisim gutpela sapot long gavman na long ol dona ejensi.

Nainpela agrikalsa risets na developmen ogenaesen bilong tripela Westen Pasifik kantri bai kisim helpim long dispela program.

Dispela i gat tripela hap na dispela ol hap em:

- RISETS na ol wok i pas long em;
- IMPLEMENTESEN o karimaut wok bilong program na
- LUKAUTIM na yusim ol jinetik diwai na plaua samting.

Em i tok em i bikpela samting long ol wok i stap aninit long Wes Pasifik NARI-EU-ACP S&T program long karimaut nupela Rurel Ikonmik Developmen Program we bai stat kamap long 2010.

"Dispela ol wok i mas go wantaim na stap aninit long Kantri Strategi Pepa bai ol i ken go insait long sistem bilong Gavman."

"Na olsem Gavman i ken save oltaim i gat baset o mani plen bilong karimaut dispela program," Dokta Beese i tok.

Long tingting bilong EU program long PNG Dokta Beese i tok nupela

program bilong Rurel Ikonmik Developmen Program bai kisim ol tingting long risets na developmen long sapotim ol distrik atoriti long kamapim distrik developmen plen bilong ol.

"Tok orait long ol wok developmen insait long PNG olsem ol i mekim long Solomon Ailans na Vanuatu we Yuropien Yunion i fandim i olsem dispela bai stap aninit long Kantri Strateji Pepa."

"I gat ol developmen wok we EU i fandim na dispela i narapela long Kantri Strateji Program olsem NARI-EU-ACP S&T program we ol i bung wantaim," Dokta Beese i tok.

Em i amamas long tim husat i stap baksait long tim long mekim kamap isi long EU i fandim na i askim ol opisa long ol i no ken lukim dispela olsem i wanpela wok bilong skul tasol.

"Dispela kapasiti bilding wok i kamap bilong stap na em i bikpela samting long EU-ACP S&T program i luksave long wantaim sapot bilong Yuropien Yunion."



KISIM SAVE: Dokta Kay Beese (rait han) Ekting Het bilong Yuropien Yunion Deligesen long PNG i lonsim nupela websait bilong NARI-EU-ACP S & T Program long taim NARI-CEO Dokta Raghunath Ghodake i lukluk. *Poto: SENIORL ANZU*



WOK WANTAIM! Solomon Ailans Palamentari Sekretari wantaim Ministri bilong Agrikalsa na Laipstok Edward Kingmele i tok orait wantaim CEO bilong Vanuatu Agrikalsa Risets na Teknikol Senta na NARI bilong PNG bihain long saining bilong MoU. *Poto: JOSEPHINE YAGA*

Developmen bilong Trening Domitori bilong Westen Pasifik

Josephine Yaga (NARI) i raitim

PLEN bilong kamapim ol Westen Pasifik Trening Domitori (WPTD) nau i stat pinis bihain long Nesanel Agrikalsa Risets Institut (NARI) i redim graun.

Dispela projek em Nesanel Agrikalsa Risets Institut- Yuropien Yunion na Afrika Karebien na Pasifik Saiens na Teknologi (NARI-EU-ACP S&T) i fandim.

Kain wok i bihainim tingting bilong NARI long strongim wok bilong agrikalsa risets na ol opis i pas wantaim long dispela wok long Papua Niugini (PNG), Solomon Ailans na Vanuatu.

Dispela kantri i stap long Westen Pasifik long NARI-EU-ACP S&T program.

NARI Dairekta Jenerel Dokta Raghunath Ghodake i mekim dispela tok long graun breking seremoni long sanapim domitori long Se Alkan Tololo Risets Senta

long Lae long 18 Mas, 2010.

Ekting Het bilong Yuropien Yunion Deligesen long PNG Dokta Kay Beese i lonsim intanesenel program na i mekim graun breking seremoni tu wantaim long sanapim ol domitori.

Dispela seremoni em ol mausman bilong projek na ol ejensi husat wok bilong ol i pas wantaim long wok bilong risets long agrikalsa.

Dispela domitori em ol treni na treni bai stap bilong em long taim bilong skul.

NARI Fesiliti Tim Menesa Thomas Omot i tok WPTD projek i kos ols K900 000 na dispela em NARI-EU-ACP S&P (33.33%) na NARI (66.66%) i fandim.

Domitori bai gat olsem 12-pela self kontein rum na bai gat komon launs na ples bilong kaikai, kuk na wasim kolos.

Em bai kisim inap olsem 24 manmeri husat bai kam long Solomon Ailans, Vanuatu, Nu Silan na PNG.

Dispela ol sumatin na tisa

bai stap long dispela skul inap long tripela krismas.

Mista Omot i tok domitori bai stap klostu long trening hap- Alan Quartermain Maltipepes Hall long Bubia, ausait long Lae.

Em i tok tu olsem wantaim brodben intanet sevis bilong NARI, ol sumtin inap long kisim isi ol sevis bilong intanet na save long wanem samting i kamap long wol long taim bilong trening bilong ol.

NARI-EU-ACP S&T program i kapasiti developmen long wok bilong risets na developmen long tripela Westen Pasifik kantri em long PNG, Solomon Ailans na Vanuatu.

Dispela program i kamap long lukluk na stretim hevi bilong kisim moa wok manmeri bilong wok na ol samting bilong mekim risets wok.

Sapos i gat inap kapasiti wok bai kamap gut na helpim sindaun bilong ol manmeri.

Solomon Ailans tok amamas long NARI-EU-ACP program

Josephine Yaga (NARI) i raitim

OL wokmanmeri bilong agrikalsa long Solomon Ailans i gat bikpela hevi long wok bilong kapasiti bilding.

Dispela em long sait bilong risets na developmen long agrikalsa.

Dispela em tok bilong Solomon Ailans Palamentari Sekretari wantaim Ministri bilong Agrikalsa na Laipstok Edward Kingmele long taim bilong lonsing nupela websait bilong Nesanel Agrikalsa Risets Institut-

Yuropien Yunion na Afrika Karebien na Pasifik Saiens na Teknologi (NARI-EU-ACP S&T) Program long Se Alkan Tololo Risets Senta long Lae long Fonde 18 Mas, 2010.

Tasol em i tok nupela rijinel program long kapasiti bilding long tripela Westen Pasifik kantri em long Solomon Ailans, Papua Niugini na Vanuatu bai stretim dispela hevi.

"Kamap bilong Nesanel Agrikalsa Risets Institut- Yuropien Yunion na Afrika Karebien na Pasifik Saiens na Teknologi Program i bikpela samting long NARI, Solomon Ailans Agrikalsa Ministri na Vanuatu Agrikalsa Risets na Teknologi Senta (VARTV) long ol i winim fandim," Mista Kingmele i tok.

Mista Kingmele i wanpela bilong ol lain husat kantri bilong en i stap insait long dispela program wantaim PNG na Vanuatu.

Em i tok olsem agrikalsa i bun bilong Solomon Ailans long wanem em i samting we planti manmeri bilong Solomon Ailans wantaim Gavman i save kisim helpim long em.

Bihain long hevi bilong lo na oda long 2000 long Ailans wok bilong agrikalsa risets na developmen na kamapim moa opisa bilong agrikalsa i pundaun olgeta.

Ol opis we bikpela wok bi-

long ol i pas long dispela program em menesmen na ol wokmanmeri bilong NARI, Fres Produs Developmen Ajensi, Kopi Industri Koporesen, PNG Kakau Kokonas Institut na Ol Meri PNG insait long Agrikalsa Developmen Faundesen.

Long taim bilong lonsing program patna olsem NARI, MAL and VARTC i sainim memorandum bilong andas-tending (MoU) long wok bung wantaim long dispela program long narapela tripela yia i kam.

"Saining seremoni bilong MoU namel long tripela kantri i soim wanpela bikpela mak em ol gavman bilong Solomon Ailans na Vanuatu i mekim long wok bung wantaim NARI na ol arapela ejensi long PNG."

"Dispela kain program i bungim mipela wantaim i go aut long wok bilong agrikalsa long ol arapela kantri long wol," Mista Kingmele i tok.



STRONG WOK: Mausman bilong EU Dokta Kay Beese (lep han) na NARI Kaunsil Siaman Dokta John Kola i bung wantaim long graun breking seremoni long kamapim domitori bilong ol sumatin long silip long ol sumatin i silip long Bubia, Lae.

Campbell redi long Raiders

PRESTON Campbell i tok em i hangre long kam bek na pilai bilong Gold Coast Titans dispela Sarere agensim Canberra Raiders.

Campbell i kisim tok orait long dokta long pilai dispela wiken long Skilled park bihain long em i kisim bagarap long het bilong em.

Em i bin kisim dispela bagarap long raun wan long pilai bilong ol agensim ol Warriors na i mekim em ino pilai long raun tu agensim Souths.

Het bilong em i bin bamim lek skru bilong wanpela Warriors pilaia na ol i karim Campbell i go autsait namel long pilai.

Titans i bin aki long win wantaim wanpela poin tasol agensim Souths na nau Campbell ino laik wet moa long sait lain dispela Sarere.

“Mi pilim gutpela moa nau, ino olsem long las wik,” em i tok.

“Mi trening orait tete na mipela bai lukluk tasol sapos mi orait yet long taim bilong pilai.”

Campbell i toke m ino amamas long stap nating na lukim tim bilong em i pilai las wik.

“Ol i win tasol mi no laik sindaun long haus tasol na lukim ol i pilai,” em i tok

Kosa, John Cartwright i amamas tu long lukim Campbell i orait gen long pilai.

“I gutpela long lukim em i orait na trening gut gen,” Cartwright i tok.

William Zillman, husat i bin kisim ples bilong Campbell long fulbek las wik bai stap long risev dispela wik.

Em i tok Raiders i gat gutpela pilaia olsem senta Jarrod Croker na faiv eit Terry Campese husat ol i ken kamapim planti samting insait long gem.

“Ol i gat ol gutpela fowet tu olsem na mipela i mas was gut long ol tu,” em i tok.

Roosters i no isi

Andrew Molen i raitim



GUTPELA STAT: Pearce i wok long pilai gut wantaim tim bilong em. POTO: AAP Image.

BIHAIN long yia nogut bi-long ol long 2009, ol Roosters ino isi long statim gut sisen bilong ol dispela yia.

Tupela raun tasol i pinis na ol i stap long namba wan ples wantaim tupela win we i givim ol 4 poin pinis.

Ol i stap pas long Dragons na Storm husat ol i stap long namba tu na tri ples.

Ol Roosters, aninit long nupela kosa Tim Sheens i soim wanpela kain gutpela na strongpela pilai we ol ino soim liklik long 2009.

Sampela nupela pilaia tu insait long tim olsem Jason Ryles, Todd Carney na kam bek bilong bipo Australia fulbek, Anthony Minichiello i kirapim ol stret.

Pilai bilong ol tu i lukim hap bek, Mitchel Pearce i putim 4-pela trai pinis long dispela tupela gem tasol.

Em i helpim long kamapim tupela trai, brukim 6-pela takol na kikim bal 17 taim inap 635 mita.

Nau tasol resis i stat tasol sapos ol i holim dispela kain pilai nap long namel bilong yia em ol bai gat sans long tanim taim nogut bilong ol long las yia i kamap gut.

Bikpela wok bilong tupela tim

SHARKS na Rabbitohs ino winim wanpela gem yet bihain long tupela raun na nau bai tupela yet i bung.

Pilai bilong tupela bai kamap long Mande nait long wik i kam we dispela tupela tim bai traim long lusim daunblo na kam antap liklik.

Ol Sharks husat i stap long namba 14 ples i lusim 12-pela gem stret nau.

Rabbitohs i stap long namba 16 ples na i mas mekim sampela samting long traim na lusim dispela ples aninit long ol arapela tim.

Kosa bilong Sharks, Ricky Stuart i singaut long tim bilong em long pilai gut bihain long ol i lus long ol Storm na Warriors.

Em i laik ol i mas traim na win gen bipo ol i go daunblo tumas.

Ol i rausim Ben Pomeroy long senta na putim fulbek Nathan Stapleton long kisim ples bilong em, Albert Kelly bai pilai fulbek.

Isaac Gordon i raus long wing na Blake Ferguson bai kisim ples bilong em, Dean Collis bai kisim ples bilong Ferguson long senta.

John Morris bai lusim huka na go kisim ples bilong Scott Porter long hap bek na Paul Aiton bai stat long huka.

Stuat Flanagan na Siosaia Vave em tupela nupela pes long risev.

Ol Rabbitohs tu i wok long painim hat liklik long difens bilong ol na dispela i givim ol bikpela hevi long tupela gem bilong ol agensim Roosters na Titans.

Ol i lus long wanpela poin agensim Titans las wik tasol ol i ken gat sans sapos ol i strongim banis bilong ol dispela wiken.



DAUNBLO: Rabbitohs i stap daunblo tumas na bai bungim ol Sharks husat ol tu i stap daunblo.

Salens bilong 'Dogs

OL Bulldogs i gat bikpela salens dispela Sande taim ol i bungim ol Roosters.

Roosters i stap long namba wan ples wantaim 38 poin moa long ol arapela tim.

Ol Bulldogs tu ino stap klostu tasol ol inap win sapos ol i apim gem bilong ol liklik.

Planti ting ol bai nap statim gut yia bihain long ol i kamap klostu long gren fainol long 2009 tasol dispela i senis taim ol i lus long ol Knights long raun wan dispela yia.

Long wankain taim, ol Roosters i gat gutpela ron tru – ol i winim tupela gem na i putim 80 poin insait long dispela tupela gem.

Beklain bilong Roosters i paia gut tru wantaim hap bek Mitchel Pearce yet i go pas wantaim sapot bilong fulbek, ol senta na winga bilong em.

Dispela em planti man tumas long was long ol olsem na ol Bulldogs i noken pasim ai.

Pearce em man we ol beks bai ron long em long kisim gutpela spes baksait long ol bikpela na strongpela fowet.

Wanpela rot bilong Bulldogs long win nau o pasim gut ol Roosters em long strongim gut banis bilong ol.

Kam bek bilong Michael Enis long huka tu bai helpim ol 'Dogs long karim bal i go aut gut long dami hap.

Em bai helpim tu long rausim sampela presa long hap bek, Brett Kimmorley.

Tasol ol Roosters tu i ken painim hevi sapos ol i tingim ol yet na ino was gut tumas long ol Bulldogs husat ol i ken kamapim planti hevi taim narapela tim i silip.

Ol 'Dogs bai no inap laikim long bihainim lus bilong ol Rabbitohs na Tigers olsem na ol bai putim wanpela strongpela pait yet.



NAMEL MAN: Eric Komeng bilong Hekari United i stap namel long tupela CMSS Tigers pilaia na i train long rausim bal long ol long NSL gem bilong ol long Mosbi las wik Sarere. POTO: Andrew Molen.



2010 Gordons Touch football competition grand final. PHOTO: N. Bernard/ Wantok.

Port Moresby Soccer Association Spots Dro

Sarere Mas 27, 2010. Bisini 1. Ol Man

0800	Guria	vs	A – Natuna	MP 8*
0900	Yamaros	vs	Hard Rocks	MP8*
1000	Guria	vs	Beggas	WP
1100	STS Sky Hawks	vs	PNG Fire	WP
1200	Rubuana	vs	SES United	MP7*
1300	Musa	vs	Murat	MP6
1400	Quando Nemba	vs	Beggas	MP6
1500	Miga	vs	LBC Defence 2	MP3
16000	University 2	vs	LBC Defence 1	MP1
1700	Winner 1	vs	Loser 2 MP8	MP8*

Bisini 2

0800	PNG Timbers	vs	PNG Fire	MP5
0900	Snax Momase 2	vs	Dogura Rats	MP4
1000	CSU Thrillers	vs	Elemi Babaka	WP
1100	Muiah Brothers	vs	Kurti Andra	MP2
1200	Lamana	vs	Murat	WP
1300	University 1	vs	Naniu	MP3
1400	Mungkas 1	vs	Musa	WP
1500	CSU Thrillers	vs	Boroko United	MP2
1600	Snax Momase	vs	Bisana	MP4
1700	Bavaroko	vs	Winner 5 MP7*	MP7

Toksave bilong ol dro bilong Sande bai kamap bihain long ol nok aut pilai long Sarere.



RON: Yianni Turlom bilong PNG Power i laik go hariap long namba wan bes bipo ol Gazelle pilaia i kisim bal na autim em long gren fainol pilai bilong ol long Mosbi las wik Sande. POTO: Andrew Molen.

Australia kikkoksa bai helpim PNG tim



PNG SAIT: McDonald i amamas long pait bilong PNG tim. POTO: Andrew Molen.

Andrew Molen i raitim

KIKBOKSA bilong Australia, Francis McDonald bai stap insait long PNG tim taim ol i pilai agensim ol arapela ovasis paitman long Kundiawa dispela Fraide na Sarere.

Nandex i putim McDonald long PNG tim bai ol i ken i gat inap paitman long bungim ol ovasis paitman husat i kam.

"Yes, em strongpela man na gutpela pait man tu olsem na mi amamas tu long em i stap long tim," Nandex i tok.

Na MacDonald tu i amamas tasol long stap insait

long PNG tim.

"Dispela bai namba wan taim bilong mi long pait insait long PNG tim na mi amamas tasol.

"Mi bai traim hat na givim olgeta save na strong bilong mi long pait," em i tok.

McDonald em hap PNG na Fiji tasol i save stap long Australia.

Em i bin kam pait kikkoksa long PNG tripela taim pinis na dispela namba 4 taim bilong em tasol long wankain taim bai em i namba wan taim bilong em long pait bilong PNG.

McDonald wantaim

sampela arapela paitman i kam pinis na i stap long Mosbi na bai go long Kundiawa tete (Fonde).

4-pela moa kikkoksa bilong ovasis bai kam tete.

Ol dispela paitman i kam long New Zealand, United Kingdom na Australia.

Nandex i tok dispela pait em bilong promosen tasol na ol bai no inap pait long ol taitol.

"Bihain long dispela bai mipela i lukluk long salim ol i go pait long ol taitol long narapela tonamen long hia o long ovasis," em i tok.

Tonamen bai kamap tupela de, Fraide na Sarere.

Sumatin toktok long spots na HIV

Andrew Molen i raitim

THERESA Meki husat i sumatin long University of Papua New Guinea i bin toktok long sik HIV AIDS na ol rot spots i save helpim long mekim long skulim ol manmeri long en.

Toktok bilong em i bihainim wanpela program bilong UPNG ol i kolim, "Healthy Mind, Healthy Body, Healthy Sex (H3MBS).

"Olgeta manmeri save olsem go pas long kamapim dispela program long soim olsem ol i tingim gutpela sindaun bilong komyuniti. "Mipela laik ol arapela bikpela skul i bihainim na kamapim wankain program bilong ol tu," em i tok.

Meki givim dispela toktok taim em na narapela sumatin, Priscilla Kee i go long wanpela bung bilong ol yangpela manmeri long Manukau siti long New Zealand.

Tupela i go long dispela bung long Mas 15 i go long 20, dispela yia.

Ol i stap namel long narapela 24 yangpela manmeri bilong PNG husat i go long dispela bung.

Inap olsem 1,400 yangpela manmeri bilong ol arapela kantri long wol tu i kamap long dispela bung.

Oceania Football Confederation (OFC) wantaim FIFA na Manukau City Coucil wantaim gavman bilong Australia na New Zealand i go pas long kamapim dispela bung.

Long hap ol i toktok long ol samting olsem helt, skul, sitisensip (citizenship) na ol arapela samting we i spots i ken helpim long strongim insait long ol komyuniti.

Wanpela kibung bilong ol yut spots ministra tu i bin kamap long wankain taim long toktok na wantaim ol dispela manmeri na tu harim tingting bilong ol.



SPOTS TOKTOK: Meki (rait han) na Freda Jones bipo long em i go long bung. POTO: UPNG.

Of-sisen ragbi daunim birua

Andrew Molen i raitim

OF-SISEN ragbi lig resis i daunim planti birua namel long ol yangpela manmeri insait long Mosbi siti.

Dispela em bilong wanem ol yet i save raun na luksave long ol long wanwan ples ol i stap tasol taim ol i go insait long fil, ol i save kamap birua.

Taim pilai pinis na ol i kam autsait, ol i save lukim ol yet gen na dispela tingting bilong birua insait long fil i save lus nating.

Na dispela em wanpela bikpela astingting bilong bipo Kumul, Billy Yaki taim em i kamapim dispela of-sisen ragbi lig na tu "Suburban Rugby League" long Mosbi.

"Mi laik bungim ol yut wantaim bai ol i gat wanpela tingting tasol na lus tingting long ol arapela hevi bilong wanwan o wanem ples ol i kam long en," Yaki tok.

Em i tok em ino laikim ol tim i pilai wantaim ol wantok o femili bilong ol yet long wanwan tim.

"Dispela bai kamapim birua namel long ol na ol arapela.

"Mi laikim ol i pilai wantaim ol arapela manmeri long tim husat i save stap wantaim ol long wanwan strit na hap rot bilong ol insait long siti," Yaki.

Dispela yia em i amamas long lukim olsem 6-pela plas insait long Mosbi gat ol of-sisen pilai bilong ol yet.

Namba wan ples long go insait long gren fainol em 8 Mile husat



PORO NA BIRUA: Moro (Iephan) na Patrick bai kisim tim bilong ol go insait long gren fainol dispela Sande long 8 Mile gren fainol. POTO: Andrew Molen.

ol bai pilai dispela Sande namel long Mangi South Pawa na Tawa Sharks long McGregor bareks pilai graun.

Dispela em namba tu yia bilong 8 Mile long holim dispela resis na ol i tok nau yet i nogat wanpela hevi kamap long olgeta pilai na ron bilong ol.

Kepten bilong Souths, Albert Patrick na bilong Sharks, Harmony Moro i amamas tu long gutpela ron bilong kompetisen.

Sharks i laik winim bek dispela taitol we ol i winim las yia agensim Souths tasol Souths tu i gat tingting long bekim dispela dinau. "Mi amamas long dispela,

sapos olgeta samting i ron gut na ol manmeri tu i amamas em bai gem i pinis hariap," Yaki tok.

Presiden bilong 8 Mile of-sisen ragbi lig, Wanpis Kaupa i tok amamas long ol tim na tu long sapot bilong Yaki na NCD long sapot bilong ol.

Yaki givim K5, 000 long 8 Mile long ronim gren fainol bilong ol, em i givim wanwan K5, 000 tu long Morata, Bomana, Hohola, Kone na Kaugere husat ol bai kamapim ol gren fainol bilong ol bihain tasol long 8 Mile.

Pilai long 8 Mile bai kamap dispela Sande stat long tri kilok avinun.



PEPA: Wanpela man i kisim setifiket pepa bilong em long edministreta Goinai. POTO: PNGSF.

Spots bai ron gut wantaim ol save manmeri bilong ronim

TAIM i gat ol gutpela saveman bilong kamapim na ronim spots i stap em bai ol pilai kamap gut.

Dispela em wanpela luksave South Fly distrik menesa, Marela Hesabola i givim long ol manmeri husat i pinisim trening bilong ol long komyuniti spots las wik long Daru.

"I gutpela long lukim planti manmeri kisim dispela trening we mipela i ken wok-bung wantaim ol," em i tok.

33 manmeri bin kamap long kisim dispela trening long han bilong Scott Vavine bilong PNG Sports Foundation.

Ol i kam long 4-pela LLG insait long provins we 14 i kam long Daru yet, 10-pela long Kiwai, Oriomo bituri em 6-pela na wanpela tasol long morehead.

Ol i lainim liklik long spots edministresen we i karampim lidasip wok, ol gutpela samting we spots i ken kamapim, ol rot bilong kamapim wanpela klap, long ronim na lukautim gut mani, long kamapim ol bikipela bung na pilai na ol arapela samting.

Vavine i tok amamas long dispela trening ol lain ya i kisim na tu olsem ol i bikipela lain tru insait long komyuniti nau wantaim dispela save insait long het bilong ol.

Em i tok ol i mas kisim kain trening na tu kisim ol arapela trening long opim het bilong ol moa bai spots i ken kamap na ron gut long ples bilong ol wanwan.

Vavine i tokim olsem spots i ken kamap olsem wanpela gutpela samting long helpim ol na komyuniti bilong ol gut sapos ol i yusim gut.

Em i singaut tu long komyuniti na ol arapela gavman na bikman long ples bilong ol long givim gutpela sapot long wok bilong ol.

Provinsel edministreta, William Goinai yet i bin pasim trening bilong ol na it ok olsem em bai mekm olgeta samting long strong bilong em long lukim olsem spots i kisim olgeta sapot e mi laikim.

Power pilai

EASY Pay PNG Power i strong na daunim Gazelle long winim namba tri Port Moresby Softball Association taitol bilong ol insait long tripela yia, las wik Sarere.

Power i winim Gazelle 4 – 1 long wanpela gem we i pulim planti sapota tru bilong tupela tim wantaim olgeta hap long siti.

Win bilong Power i mekim ol i stap strong yet olsem wanpela nambawan tim bilong Mosbi softball resis bilong ol man.



SALENS: Pita Bolatoga i traim long hetim bal i go insait long gol tasol goli bilong Tigers, Anton Pipi tu i putim han i kam long pasim em lng gem bilong ol las wik. POTO: Andrew Molen.

Hekari yet

HEKARI United i stap strong yet insait long NSL resis na i gat bikipela sans yet long winim gen taitol dispela yia na go bek insait gen long O'lig resis.

Dispela i kamap bihain long ol i winim CMSS Tigers 6-2 las wik Sarere long Mosbi na kisim maina primiasip taitol.

Na dispela Sarere bai ol i stap insait long laspela O' lig gem bilong dispela yia bipo long ol fainols resis i stat.

Hekari bai bungim Marist FC long Lawson Tama stadium long Honiara.



Ipatas kap fainols klostu



OL WANTOK YET: Aiyura wantaim Kainantu Eels i brukim bun long Coca Cola Ipatas Kap long Lae long las mun. Poto: Bustin Anzu.

Bustin Anzu i raitim

BIKPELA of-sisen ragbi lig pilai, Coca Cola Ipatas Kap bai lukim ol fainols bilong ol long wik i kam.

Bosman Timothy Lepa i tokaut long dispela na tu olsem dispela bikpela pilai resis i bin ron gut tru insait long ol wik i go pinis na i kam.

"Stat long neks wik, bai ol i go insait long ol fainols bilong ol we ol tim long Lae, Goroka, Simbu, Hagen, Wabag na Mendi bai stap insait," em i tok.

"Olgeta pilai bin ron gut stret stat long Lae, Goroka, Simbu, Hagen, Wabag na Mendi.

"Mipela i bin kisim sampela komplem leta (pas) long ol sampela tim tasol ino bikpela hevi tumas."

"Ol wokman bilong CCIC i ronim gut tru na pinis long taim stret," Lepa i tok.

Em i tok samting olsem 64 tim i bin pilai na ol i kisim tripela tim long wan wan ples na dispela i lukim klostu

long 20 tim bai pilai long Lae long wik i kam.

Dispela pilai bin stap namel long Wabag na Lae Tambuaks long sampela yia i go pinis olsem wanpela "friendly" pilai i pilai long amamas tasol.

Na dispela pilai pulim tingting bilong ol narapela Wabag na ol narapela tim long kantri long pilai.

Long dispela taim yet, Coca-Cola i luksave olsem dispela pilai na i kamap olsem mama spona bilong en.

Ol i spona na lukim olsem em i ron gut na ol i skruim spona bilong ol long narapela yia.

Insait long las 10-pela yia, Coca-Cola i sapotim Ipatas kap gut tru na dispela i bringim planti tim insait long kantri long go na joinim resis.

Long 2009, wina bilong Ipatas Kap i bin kisim K20, 000 na long dispela yia, ol bai kisim K50, 000 win moni antap long trofi.



Wisil statim gut yia bilong em

NAMBAWAN PNG meri bilong ron, Toea Wisil, i statim gut yia bilong em wantaim ol gutpela mak long resis long Queensland (Kwinslen) sempionsip las wik long Brisbane (Brisben).

Wisil i winim 200 mita resis insait long 24.61 sekens, i kam namba tu ples long 100 mita insait long 12.40 sekens, na em i pinis long namba 4 ples long 400 mita wantaim 56.44 sekens.

Wisil i bin kamap long dispela resis wantaim narapela 6-pela etlit bilong PNG long pilai na stap insait long bikpela

trening bipo ol i go long California long Epril 2, long pilai narapela 6-pela wik long hap.

I nogat narapela bikpela taim i kamap long ron bilong Wisil na ol arapela etlit bilong wanem dispela resis em i olsem hap trening bilong ol tu long redim ol yet.

Olgeta i trening long wiken tu.

Long wankain taim, Salome Dell i putim 2 minit na 11 sekens insait long 800 mita resis long namba wan resis bilong em bihain long em i kam bek long bagarap em i bin kisim.

Garap no inap pait

Andrew Molen i raitim

PROFESENOL Muay Thai paitman bilong PNG, Lee "The Flash" Garap, i laikim ol sapota na spona bilong em i save olsem em bai no inap pait long dispela kikboksing tonamen long Kundiawa dispela Fraide na Sarere (Mas 26 na 27).

"Ol tokwin yupela i harim olsem mi bai pait em i no tru.

"Mi gat narapela pait we bai kamap long Australia klostu taim na mi wok long redi long en i stap olsem na mi bai no inap kam long dispela Kundiawa tonamen," Garap i tok.

I gat bilip olsem kikboksing promota, Stanley Nandex i bin askim Garap long mekim wanpela Muay Thai pait bilong em insait long dispela kikboksing tonamen tasol Garap i no laik.

Dispela tonamen bai lukim sampela ol top kikboksia bilong PNG olsem John Kwiwa na Jeffrey Daka na tu tupela wok sempion, Laurie Hanku na Andy Sam i bungim ol arapela ovasis paitman.

Garap i tok dispela em i gutpela sans bilong em tu long soim dispela nupela stail pait bilong em long PNG tasol nogat olsem na em i lukluk long mekim narapela taim bihain.

Em i tok sori long ol sapota, spona na ol arapela husat i bin laik lukim em i go pait long dispela taim.

"Mi amamas long sapot na tingting bilong yupela



NO NAP PAIT: Garap i tok sori long ol sapota long Kundiawa olsem em bai no inap go pait long hap dispela wiken. POTO: Andrew Molen.

tasol mi sori olsem mi bai no inap kamap long pilai long ai bilong yupela.

"Mi lukfowet long stap insait long wanpela bikpela pait gen bihain liklik we yupela i ken kam na sapotim mi," Garap i tok.

Gordons tas pinis wantaim kala

Nicky Bernard i raitim

GORDONS ragbi tas resis i pinis wantaim kala na stail las wik Sande wantaim gren fainol long olgeta divisen.

San i hot tasol ol sapota ino wari, ol i putim ol kala bilong tim bilong ol na go sanap long sait na singaut

long tim bilong ol.

Pilai stat long 10 kilok morning we i lukim ol B gret tim bilong ol meri statim pilai, we Cow girls i winim Tribes.

Long biksan, tupela top tim bilong A gret meri pilai na i pulim planti sapota bilong ol.

Bala Raiders i hotpela tim

bilong kompetisen tasol ol Kovera meri Dogs ino wari, ol tu i traime long kaikaim ol na i win.

Dispela pilai lukim tu tupela susa Delie na Barbara ino inap long bikpela susa bilong ol, Auto na tim bilong em.

Long C gret bilong ol man, Flats Steelers i soim

olsem ol tru tru ain man olsem na ol i daunim ol Lapwing Tigers.

Tupela tim bilong ol Tigers i go insait long resis we i lukim B gret bilong ol ino strong tumas long Kona Bar, K.B. eels husat ol i kamap wina bilong B gret bilong ol man.

Bipo long A gret gem man

bilong ol man, ol lapun bilong Gordons Tas i soim liklik pilai bilong ol bilong bipo.

Kain lain olsem David Mune, John Kodana, Wodie Bernard, Rex Apio na sampela moa bilong Maroons.

Na bilong Blues em olsem Karo Mabua, Nelson Moide, Steven Mune na ol arapela, Blues i soim olsem

stail bilong ol i no dai na i winim Maroons.

Bikpela pilai long avinun i kamap namel long Kona Panthers na Knights.

Long namba wan hap Knights i bin go pas long skoa, tasol Panthers i kam bek strong long namba tu hap na i win long laspela penolti.



S P O T S



Isu 1858

Wan wik: Fonde, Mas 25 - 31, 2010.



free K3 credits every week

Leave your bemoobile phone switched on and we'll text you every week in March with your weekly FREE K3 Credit. * Conditions apply

bemobile *taktok moa*

Andrew Molen i raitrim

PLANTI stori save kamap long olsem 6 Mail setelmen long Mosbi em i ples we planti raskol na bikhet pasin i save kamap. Dispela ol stori mekim na nogat planti manmeri save go raun long hap na i nogat planti wok na divelopmen i go kamap long hap tu. Tasol i gat wanwan manmeri husat i stap long dispela ples i laik traim long mekim sampela samting long helpim ol yangpela

manmeri bilong ol bai ol i noken kain ol bikhet pasin olsem. Wanpela bilong dispela ol lain em profesenol boksa Thomas "Spiderman" Kagili. Samting we Kagili yusim long traim na helpim ol yangpela bilong em, em boksing - spot we em yet i save gut long en tu. "Bikpela astingting bilong em long bungim olgeta manmeri bilong 6 mail wantaim.

... i go moa long Pes 26.

Ol mangi bilong 'Spiderman'

Boksing bungim ol 6 mail yut

BIKPLA MANGI: Thomas 'Spiderman' i statim boksing klap long helpim ol yangpela i lusim ol arapela pasin nogut.



Campbell redi long bungim Raiders. Pes 27.

Gurias bai kam bek strong gen. Pes 26.

Johnston's Pharmacies

For First Aid Kits. Red8 Body Bulk Protein Supplements. Thompson Vitamins, Bandages, Strapping Tape, Mouth Guards.

All Sport and First Aid requirements.



P.O.Box 1066 Boroko.
Phone 325 3185. Fax 325 0190.
Email sales@johnstons.com.pg."